

衡山縣志卷之四十

列女節孝

明

蔣志泰妻梁氏年二十二適蔣生一子甫七月志泰卒家貧守節事姑盡禮後其子淵爲諸生調補國學天順初知縣鄭冕奏記上臺爲請旌焉因復其家

康時昇母戴氏年二十五孀居守節積穀賑饑時昇舉於鄉爲康氏科第嚆矢後令惠來母隨之官

衡山縣志

卷之四十

列女節孝

一

猶衣布茹蔬年九十終

譚宗哲妻毛氏寡言笑事姑敬勉夫力學年二十四夫亡日恒哭絕爲殉死計者數宗戚寬之使留殘息以撫二孤乃強起飲食迨子成立仍以悲卒計茹蘖十一年如一日耳

吳紀繼母武氏府志通志年二十五邑舊志年夫

亡斷髮矢志督課藐孤成化辛卯仲子維登經魁戊戌季子紀成進士官浙江參政有偉績王陽明嘗爲作甘棠頌武氏累封太宜人守節五十年

周廷參繼妻易氏歸周時年方笄卽任家政萬曆乙未廷參成進士易椎髻素衣自若及廷參卒京邸易悲涕欲殉自此竟絕粒食唯少噉菱芡橘藕之屬經二十年人咸異之以夫乏嗣立夫姪應召爲繼家政嚴肅稚子踰十歲卽不令入內闈及萬曆壬子以毀瘠終

按湖南通志引湖廣通志載易氏衡陽人致府志旣入衡陽又入衡山雖略於彼而詳於此而姓名事實則同是爲重出查邑舊志人物傳廷

衡山縣志

卷之四十 列女節孝

二

參之在吾衡亦表表特出者易氏雖隸衡陽應從夫籍入衡山

皇清

唐嶷勲妻劉氏嶷勲邑庠生氏年二十二來歸又五年嶷勲沒子欽語甫歲餘氏決志殉夫娣姒勸解不從舅姑以孤子無托諭止之欽語年十二補弟子員後貢禮部氏性勤儉嚴肅訓子有方舅歿治喪如禮事姑能時其喜怒喪夫三年始一歸省母憐其少以言餽之卽操刀欲毀其形旣還不復

歸省者數歲年五十二卒馬給諫爲作傳通志府志康熙五十二年

旌

邑舊志作五十七年

文爾篤妻顏氏通志府志年二十七年邑舊志作夫亡守節孝事舅姑尤多賑恤之仁每旦暮及夫生忌辰縞素號慟苦志二十七年終雍正四年

旌

單坤筮妻沈氏會稽人後籍衡陽適坤筮坤筮没子士柱未一歲沈年二十三志不欲生姑抱孤泣

衡山縣志

卷之四十

列女節孝

三

諭乃止孝事翁姑三十餘年翁在床三年姑在床一年湯藥必親嘗喪葬盡禮胞兄沈鏞令永川遣使迎之氏謝曰離家遠適婦道不宜況我守節猶兄守官兄不負君民吾不負夫子異地如一堂也教其子士柱由弟子員貢成均雍正十三年氏年五十五歲奉

旌表建坊

茹其學母何氏夫早逝撫兩孤就學其一成諸生卽其學氏旣喪夫舅亦尋没氏事姑極愛敬姑耄

氏亦六十刻不離姑側值病危扶持調養不自知
勞及沒哀毀骨立爲孺子泣後每衣新製必挈領
泣曰吾姑不及衣也食佳味必停箸泣曰吾姑未
嘗此味也人稱其孝爲不可及乾隆元年題

旌

歐陽次元妻胡氏年二十九夫故遺三子

邑舊志通志皆

作三子府志作二子

一女氏奉姑嫜和妯娌鄰里之貧者賙

之苦節訓子數十年如一日乾隆三年

旌

衡山縣志

卷之四十

列女節孝

四

曠騰陞妻姚氏年十五適騰陞騰陞少能文而氣
盛年十四補弟子員十六食餼嘗買舟抵武當時
鄖襄寇盜克斥騰陞身嬰賊鋒卒脫於難姚嘗慮
其凌厲懼不克善終婉轉勸戒姚年二十騰陞沒
守節六十一年雖母氏迎歸未嘗一徃歲時夫弟
詣門但令僕婢傳聲而已嘗呼諸孫女孫婦講小
學內則誠曰婦人夜行以火人避汝邪汝避人邪
晚丁兵燹家落茹荼嘯藥惟課兒孫力學子爲名
諸生孫敏本庶吉士數本進士其餘貢成均列膠

庠者不下二十人以上見湖南通志及衡州府志
又邑舊志云領下一鬚長尺餘僉曰真女中丈夫
也兩粵制軍鄂彌達匾其門曰南紀女宗太傅蔡
世遠題曰節永南天乾隆二十二年

旌

曠嵩本妻陶氏年二十四嵩本沒遺孤聖淑甫三
歲陶痛哭數日嘔血數升祖姑胡泣慰之得不死
然胡念嵩本爲長孫且少失恃哭之慟遂失明陶
竭力扶持至茹齋年餘祈胡目明果復初嵩本初

衡山縣志

卷之四十

列女節孝

五

以家貧移居荒莊就食力學陶念夫齋志早沒課
子益嚴後聖淑食餼於邑孫世賢亦成諸生壬申
歲饑陶竭廩出穀五十石資族里之乏者里中皆
感動各出粟以濟遂建倉貯之視歲之豐儉爲出
納今在族者名仁族倉在里者曰考亭穀乾隆二
十二年

旌

按邑舊志嵩本作中山中山盖嵩本之字也今
從湖南通志衡州府志作嵩本又此條邑舊志

所載甚略府志較詳通志尤詳今從通志錄入
曹學山妻李氏年十五適學山學山病其爲田家
女頗弗見禮李執婦道益恭且善事孀姑得其歡
心夫爲感動生子一天學山死李年二十撫姪徵
歧爲夫後其母及兄弟憐其少無子諷改嫁拒之
未幾迎之歸省諷如前怒曰禽獸之行吾不爲也
旣寢投繯墜樓覺而救之得不死折其左足自是
無敢言者初夫兄學愚生二子長徵彥次卽徵歧
學愚夫婦早逝李並徵彥撫教之徵彥不知其非

衡山縣志

卷之四十 列女節孝

六

母也及徵彥成諸生乃令還承父祧姑蔡八十李
事之孝乾隆二十三年

旌

譚緒文妻樊氏年十八適緒文生二子氏年二十
七緒文病篤謂樊曰我死汝尙少子六齡二齡耳
汝將若之何樊引刀割髮自誓夫沒樊事姑盡孝
辛勤教子成諸生年未六旬已見二孫乾隆三十
五年

旌

陳元龍妻王氏年二十七府志二十九元龍卒子文焯方四歲繼姑歐陽氏已七旬王勤紡績養姑課子家雖貧姑得優游餘年文焯成諸生又中年逝王撫其孫映堯映圭延師課督辛苦備嘗年七十九以節孝

旌

黃登宸妻文氏年十七適登宸生子一登宸素貧幕遊西粵負病還家彌留之際僅以終喪囑文文剪髮投懷以死自誓夫歿後家徒壁立不得已攜

衡山縣志

卷之四十 列女節孝

七

其子歸母家餽粥不給或雜園蔬食之紡績苦辛撫藐孤成立年五十七以節

旌

陳玉輅妻董氏于歸後嘗截指激夫讀書玉輅早登巒序及夫卒孝事兩世孀姑家政肅然知縣郭大定贈以女中丈夫額

王之位妻董氏邑舊志作戴氏查湖南通志衡州府志俱作董從之之位早

卒董鞠孤子灝成立娶婦李氏初未舉子撫子於槎灝沒遺腹生子於楫而李氏沒董爲於楫娶譚

氏方三十於楫又天董與譚共育曾孫祖姑孫媳相依爲命於槎亦娶妻子有司表其門曰貞庇

三代

庇府志作操誤今從湖南通志作庇

胡坤含妻何氏年二十五坤含卒家貧姑老子幼何勤紡績以給饗殮苦志二十三年卒邑令陳齊芳旌以額曰克終所事

王迎一妻黃氏年十七迎一歿有一子抉睛毀面矢志守節夫兄某涎其產欲令改適急遽間至持刃以拒夫叔坊生以大義繩某乃得保全縣令德

衡山縣志

卷之四十

列女節孝

八

錫以瑤池冰雪額司鐸徐錫以烈堪式闔額

譚尙速妻唐氏年十七歸譚二載夫亡晨機夕紡積五十九年如一日縣令吳給以節堅金石額蕭式和妻曹氏式和庠生卽世時曹年二十有五遺產數畝曹甘淡泊習勞勩雖遇豐年茹蔬食粥紡織之聲與漏俱永時或匱乏更畜雞鶩勤鍼紉以佐之奉老姑養生喪死無缺撫兩孤教訓辛勤至於成立縣令葛親題勁栢經秋以旌之趙序皇妻文氏年二十六夫故一子三歲上有姑

存家徒壁立值吳逆蹂躪文扶姑挈子避亂山中
辛苦備至後年至八十三歲縣令葛顏其門曰冰
操兢度

陳次知妻曹氏年十七于歸歲餘夫亡孤兒六月
老姑七旬氏緯宵緝旦事姑克孝訓子有方子方
壯又沒氏撫其孫七人皆成立學使阮旌之曰壺
德千秋後年登九旬曾元繞膝

金任彩妻詹氏邑廩生詹岐女年二十夫亡遺孤
方一歲其次子尙在腹舅老叔稚氏忍死守節事

衡山縣志

卷之四十 列女節孝

九

繼姑孝育二孤成立初氏歸金克勤婦職徃徃乙
夜伴讀佐以針紉及寡益勤劬無少怠厥後二子
競爽子復生孫氏皆目覩

曠暉妻蕭氏暉增生父鴻陞始娶李生暉繼娶邛
氏事之皆得其懽暉早逝氏絕粒欲殉姑以撫孤
諭止值吳逆亂氏匍匐葬夫卽攜子避山中延師
訓課補弟子員者二人孫深本領武解額中進士
任陝西峽口都閫

曠暄妻劉氏暄庠生鴻陞次子氏與冢婦蕭皆善

事兩姑暄應試歿郡城氏聞卽投水家人奔救良久乃甦守節三十八年課子成諸生持身嚴肅非童婢不得一見

周廣綬妻趙氏湘潭人在室卽以賢淑稱適廣綬脫簪飾躬操作事繼姑極孝綬州同職忽遘疾將死氏悲泣欲絕綬呻吟曰有兩幼子無汝誰與成立及廣綬卒乃截髮納棺中以守節自誓時年二十七歲比二子長督學甚嚴且杖且泣一夕夢廣綬與語甚悉起告家人沐浴更衣而逝時年四十

衡山縣志

卷之四十 列女節孝

十

有二

趙應琇妻陳氏年十七適應琇應琇病劇謂陳曰吾弟幼父母在堂汝能善事之乎遂長嘆而卒陳敬事舅姑撫族子逢運爲嗣教之成諸生先氏卒氏撫養幼孫守節四十餘年

歐陽山妻謝氏山髻齡補弟子員謝辟纘佐讀山赴棘闈溺死氏聞慟甚暈絕復甦念姑垂暮勉延殘喘家徒四壁孤苦伶仃事姑克孝後氏年至耄期戚里望而生敬

趙拔先妻劉氏年二十三拔先病危囑以奉姑教子並囑氏胞兄扶持拔先卒氏撫孤成立事姑盡心後二子俱未四十卒媳丁氏左氏咸奉氏訓守志以終氏年七十餘教誨八孫門祚日興蕭衡所繼妻單氏年二十夫亡撫前妻二子成立上事老姑盡孝紡績勤苦孫應柱登乙卯賢書曠敦行妻劉氏年二十四夫亡守節至七十歲卒敦行邑庠生既没子宜陞亮陞高陞皆成諸生氏紡績訓課之力也

衡山縣志

卷之四十

列女節孝

十一

按衡州府志云氏課二子成諸生又按湖南通志與邑舊志氏三子宜陞亮陞高陞皆成諸生今從之

曠昭陞妻陳氏昭陞邑廩生娶陳八載身亡時氏年二十有五躬紡績課孤子慧成諸生孫曾列庠序者後先相繼

曠一才妻康氏年十八夫亡無子守志撫姪爲嗣教之成立氏年八十卒

曠恒德妻劉氏年二十于歸生子聖麟甫三歲恒

德赴部銓卒於京樞至氏蓬髮溺於池家人救之
得不死姑抱弱子泣諭之乃含淚撫孤年垂六十
貞操懋著

饒開懋母劉氏年二十夫故開懋時方四歲家徒
壁立劉辛勤課子成立雍正癸卯舉於鄉知直隸
蠡縣事氏年八十餘卒

曠子敬妻楊氏同邑楊淑度女年二十而孀撫弱
姪承祀親操井臼教子讀書不幸夭折楊念夫祀
將斬哀動行路卒年六十一族人憐之爲立專祠

衡山縣志

卷之四十

列女節孝

十二

以祀

劉映川妻顏啟翼之女適映川生一子而孀時年
二十慟甚死而復甦嘗自爲哀草有殉夫恐喪孤
之句聞者悲之阿翁世掄好施苦不繼氏輒出糲
資佐之有佃負租百餘石將鬻子氏聞免租啟翼
卒無嗣有貸券存氏手焚之父遺產數百畝其本
支或推少許與氏氏弗忍取存其租以爲父祭田
修祀事及塋墓

曠士筠妻黃氏年二十六夫亡泣血三年未嘗見

齒有勸之改醮者大哭截髮示之外氏復欲奪其志遂引刀以死誓舉家驚怖不敢復出聲教其子彷彿本入成均從本遊膠序猶課讀不倦家政秩然丁士瞻妻向氏士瞻庠生氏幼卽歸之生子三士瞻歿氏持家政甚賢姑黃早歿事繼姑方克盡孝姑中年病晝夜奉持不怠姑止育一女適曹早喪遺子方釋氏撫字婚配之夫之弟夫妻繼逝遺一子氏亦養教婚娶如己出及長家產簿還之後三子一姪一甥皆列宮墻

衡山縣志

卷之四十

列女節孝

十三

劉源遠妻曠氏生十四歲爲劉氏婦又十四年夫故四子皆天舅姑老家貧氏以紡績供甘旨服勤至死撫堂姪烝爲嗣愛護教育烝年及冠補弟子員

秦祺生妻朱氏祺生少步鬻宮出爲叔後性孝且友朱同心黽勉敬舅姑和妯娌家無間言年二十五夫亡遺孤二朱飲泣守義冀爲夫延一綫嗣無何二子俱喪苦節至八十歲乃終

文潢妻周氏

湖南通志衡州府志俱作周氏
舊志獨作張氏恐誤

潢庠生

沒時氏年十九遺孤一歲又殤氏慟不欲生姑慰之乃更撫姪爲嗣以苦節終又邑舊志云舅遺產饒裕有叔二姑欲均分其貲氏固辭願以多與叔自甘得屋數椽地幾畝而已

廖宜家妻李氏宜家庠生氏李甚章女年十四歸廖姑在床褥氏朝夕侍衣不解帶者半載病篤坐卧皆捧抱姑歿慘怛悲號聞者泣下夫病九年氏撫摩不倦夫沒撫遺孤自守事繼姑盡孝三子稍長皆遣就外傅父兄遠貿川省母段獨處歲屢歉

衡山縣志

卷之四十

列女節孝

十四

氏迎至家就養

楊輝陞妻周氏輝陞庠生氏湘潭庠生周伯若女年二十四輝陞故乳哺在懷辛苦備嘗事姑二十餘年姑老且病氏奉湯藥維謹姑壽至九旬方終氏年七十一而終子一列明經

唐衿先妻譚氏年二十適衿先能順以敬衿先病狂外出必使人隨之在家仍敬事不失禮及夫沒氏年二十四一孤三歲翁姑皆高年惟氏是倚後姑病瘋捧抱不離五者載子名俊旣長品行端方

楊尙文妻曠氏適楊五載夫亡時氏年二十一
子淑方襁褓夫沒三年舅亦沒姑病痿痺扶持不
怠性慈而嚴因故居俗澆懼汨其子徙去之又以
其俗尙訟再徙家近嶽廟以禮自閑不隨俗拜謁鄰居
婦女有因而化者

易亮宇妻劉氏亮宇早卒劉矢節撫繼承祀時值
鼎革族有利其財產者逼使再醮劉攜子鳴於官
祀得不殄一日其子於路拾遺金坐待終日還其
人歸以語劉劉曰甚善有子如此雖鍾鼎之養吾

衡山縣志

卷之四十

列女節孝

十五

豈以易哉子名上泰見孝友

康曾祜妻王氏廷選之女夙嫺姆訓年十七歸康
篝燈戒旦勸夫勤學事舅姑能順以肅氏年二十
四曾祜沒長子受思五歲次子受志三歲氏以鍼
線紡績爲生姑老多病扶持起居不倦氏年垂八
十猶勤女紅

劉再柳妻向氏年十八適劉未四載夫亡子名德
滋畫荻課督以至成立列於成均有一婢不計值
嫁之保全拆媳周給窶婦蠶績自勤守節六十餘

年

按湖南通志衡州府志俱載子名德下無滋字
今從邑舊志補入

許明由妻向氏年二十七夫沒無嗣撫姪承祧守
節四十餘年

茹其享妻顏氏其享國學生庠生其學弟也素以
乏嗣爲患顏出奩資勸娶妾姚氏萬氏生二子顏
年二十九夫故守志不渝事姑盡孝

楊林生妻綦氏年二十三夫故子幼氏織紵勤苦

衡山縣志

卷之四十

列女節孝

十六

事姑三十四年無缺禮嘗語子媳曰人之所以不
死者惟此心耳至於勤苦分內事也年至八十餘
猶不妄言笑

許文熙妻王氏年二十四夫故撫伯氏子爲嗣家
貧事孀姑盡孝苦志三十餘年

歐陽培裕妻李氏培裕國學生李年十六歸之生
子二女一培裕病劇慮子女無依李對夫毀粧誓
守培裕死李年甫二十四未幾子女相繼天李爲
合葬培裕之墓且營一穴自待墓瘞以石自名之

日陽氏一家瑩朝夕往哭數月卒
周廣維妻方氏潭邑耆民禹門之女年十七適廣
維生一女家貧廣維病劇憫氏年少囑早改嫁氏
泣曰安有再醮方氏乎計與君俱死八十歲老父
誰爲養君無後誰爲繼卽引刀割臂自誓及廣維
卒孝養老親繼嗣伯氏子正詠不啻己出以節終
唐欽詢妻周氏父名普陽氏年十六適唐煮茗伴
讀夜分不休年二十四夫亡遺二子一女矢節甘
貧育孤事親嘗撫二子泣曰汝父以舌耕終館舍

衡山縣志

卷之四十

列女節孝

十七

爾輩異日當有以成其志逮事翁不久事姑二十
餘年能孝謹承歡氏性甘淡泊兼好施與里黨賢
之

以上見邑舊志衡州府志湖南通志以下通志
未載見邑舊志衡州府志

明

康菩生妻鍾氏菩生邑廩生卒時氏年二十四矢
志栢舟自壯至耄始終如一邑令郭廉其節旌以
扁曰節壽雙隆年九十二卒

周文炳嫡母陳氏無出側室生文炳夫早逝氏守貞不貳撫文炳如己子教之成諸生後遭亂離辛苦逃竄母子相依慈孝兩全

饒開榜曾祖母李氏年二十六夫故生子一名文達氏撫藐孤成立治生訓課有條經歷鼎革處變如常壽八十五終文達事母至孝壽八十六終母節子孝俱享高壽里黨艷之開榜庠生

劉世爵妻向氏事舅姑至孝里中稱之年三十喪夫一慟幾絕欲以身殉姑泣諭乃解理家事秩然

衡山縣志

卷之四十

列女節孝

十八

有條尤善處變常遇盜姑老被執氏以計脫姑已亦全身免難人服其智後姑沒哀毀骨立葬祭皆如禮性嚴毅家中卑幼雖盛暑不衣冠不敢見二子德澤德濬一入國學一遊膠序視母若嚴父焉曠鳴陞繼妻蕭氏鳴陞明季拔貢卒時氏年二十止一女撫姪復天或勸改醮氏斷髮毀容緇衣素食誓死靡他

皇清

顏啟稜妻曹氏年二十夫亡守節撫孤教養兼盡

啟稜太學生其卒也長子登瀛尙幼次子登讓遺腹生氏撫之皆有成後登瀛遊太學尋卒氏爲卯翼其子登讓喪偶氏爲續配旣而登瀛妻亦逝患難頻仍氏經營擘畫俱有條理

丁永峰妻歐陽氏年二十四夫亡守節其繼姑李有婦德事其姑向以孝聞氏之事李一如李之事向族黨慕之咸稱家範有素氏年五十餘子承不己克成立事孀母不拂其意

趙一鷺妻張氏中湘張冲元女年二十四夫亡子

衡山縣志

卷之四十

列女節孝

十九

幼值軍興旁午徭役煩劇氏支持門戶流離播遷百苦備嘗教其子蘧成諸生孫亦登黌序者四人壽七十二終

曠士頌妻唐氏生子嶷本甫二歲士頌卒氏年二十二誓死守節撫育孤子事老姑胡温清弗懈單詔予母譚氏年三十寡居撫育孤子教之成名年八十卒

唐清妻李氏清早逝氏守節數十年艱貞不渝撫幼子三俱成名氏有姪李爾常少孤氏育之如己

子亦克成立

唐首勲妻張氏年二十九而寡哀毀幾絕家貧養姑必腆課子欽憲成諸生孀居二十六年

張其蘭妻陳氏其蘭無兄弟且不宜男撫曠姓子尙憲爲後氏年二十夫亡守節育尙憲成立初氏歸張事舅姑孝舅姑年近九十氏亦六十盥櫛承顏常如一日

晏茂生妻吳氏年二十九茂生死氏矢志靡他撫育孤子教以詩書壽逾八旬族式母儀

衡山縣志

卷之四十

列女節孝

二十

譚尙簡妻歐陽氏尙簡邑廩生早卒遺一子尙幼氏義不再醮育孤成立孝事舅姑得其懽心

胡一椿妻易氏年二十八夫亡遺一子甫三歲家貧甚氏紡績以守子十歲天亡氏絕粒七日求死不得號泣夫墓者三載乃撫姪爲子每值姑暨夫忌辰涕泣澆奠數十年無異

羅侶蘓妻劉氏夫在乏嗣撫姪爲子夫逝氏年華未艾矢志守節養育撫子至於成立

秦冲墟妻胡氏年二十而寡矢志守節紡績自給

焚膏課子子屢試不遇復教諸孫咸補邑弟子員
氏年九十五乃卒

李吉人妻王氏庠生王策五之女年二十而寡無
子二女尙幼矢志不貳姑年老孝養弗懈甃石治
夫墓墓側置田宅停僧看守

顏登羸妻歐陽氏廩生歐陽昌姊年二十生一子
夫亡痛絕至再姑以堂上衰老膝下幼孤靡所倚
賴泣諭乃解子稍長延名師訓課及婚娶畢竟以
慟夫號泣無病而終

衡山縣志

卷之四十

列女節孝

二十一

按邑舊志登羸國學生顏啟俊之子與啟稜子
名登羸者別府志改羸爲羸非

文會其妻許氏枚臣女年十九適文粧奩頗盛廟
見後卽捐衣飾親操作佐夫讀書越歲夫亡志不
欲生舅令其姑泣諭曰汝誠死如遺腹何乃稍解
後果生男延夫祚姑先逝舅垂老獨居氏事之益
謹

劉家林妻谷氏年十六歸劉二十歲夫亡敬奉翁
姑一子惟炳嚴加訓督勤儉自持家無妄費

邊子肩妻萬氏年二十五夫故子宗整甫一齡奉侍舅姑教子讀書終始不懈年八十餘鄉鄰欲呈請旌表堅辭不允

唐欽垣妻周氏欽垣國學生早卒時氏年二十二雙雛方在乳哺撫育成立上有舅姑奉養盡禮性勤操作機杼午夜不息

趙應理妻楊氏年二十七夫亡奉舅姑和妯娌教育二子俱極辛勤歷二十餘年以節終

胡正方妻陳氏正方國學生卒時氏年二十六有

衡山縣志

卷之四十

列女節孝

二十二

遺腹忍死以待越三月生男後入國學氏年近六旬孫枝繞膝

劉國榜妻陳氏年二十二夫亡氏欲殉念上有舅姑藐孤待哺乃忍死以守晨昏紡績潔灑奉親含涕課子勤苦三十餘年三子成立氏以節終

周鴻運祖母張氏年十八喪夫子未半歲辛勤撫字及氏年七十孫曾繞膝鴻運入國學

羅茂孫妻丁氏二十一歲夫亡遺孤二長開魁方三歲次尙未週氏承夫志事舅姑孝教子有方後

開魁入邑庠次亦成立冰操三十餘年

歐陽開煦妻易氏幼嫻女訓歸歐陽以節著

王宗山妻袁氏年二十夫亡守節三十餘年凜若
冰霜

唐敬勳妻歐陽氏年二十喪夫越二日生一子養
育教誨俾克成立守節四十一年

顏登甲妻文氏登甲邑庠生卒時氏年二十三矢
志守節事姑克孝孀居五十餘載家無間言

許希陶妻唐氏年二十夫亡子方二齡舅姑垂老

衡山縣志

卷之四十 列女節孝 二十三

氏仰事俯育紡績不輟年近五十冰操聿著

熊瑞珍妻康氏府志年二十二邑舊志喪夫矢志苦

節三十餘年

康佑培母趙氏早歲喪夫礪志苦守佑培趙夫弟
子也事趙踰所生佑培又天趙飲泣撫孫茹苦四
十年

周亦文妻楊氏年二十四夫亡守節三十餘年

以上見邑舊志衡州府志以下邑舊志未載見

衡州府志湖南通志

陳爵妻單氏年二十七爵死遺子廷佩方五歲有諷單改適者泣而唾之廷佩工儒業尋補衛經歷安仁縣令王主賢表其門

此湖南通志列女內所載云爾查通志選舉在前明時以貢生補經歷者有陳廷佐無陳廷佩衡州府志亦然佩字恐是佐字之誤又查通志職官前明安仁縣令有王生賢無王主賢府志亦然主字恐是生字之誤又府志亦載此條無安仁令表門事餘同又邑舊志選舉陳廷佐係

衡山縣志

卷之四十 列女節孝 二十四

由監生考授縣丞職銜非經歷亦非貢也且係國朝人非前明人與通志府志俱不合姑存俟考

皇清

喻良臣妻何氏年二十九夫亡矢守諸叔廢棄田產略盡氏以女紅供翁姑甘旨務得其歡夫之四弟已析居矣病歿無以爲葬氏出手織布疋及衾帳等物易棺葬之三子俱成立乾隆十四年

旌守節五十三年

曠庭本妻趙氏湖南通志衡州府志年二十八守

節後奉

旨旌表

按氏邑人趙如望之女副榜趙暄之姑母也年十七適曠生子聖望夫亡守節育子成立入國學夫兄亦早亡遺子二氏顧復如己出年九十

五世一堂子七十餘卒孫曾繁衍入成均遊膠序者不一人氏性恭儉嫻戚欲爲呈請旌表堅辭不從孫曾至今莫敢違其意通志府志所載均未確

衡山縣志

卷之四十

列女節孝

二十五

戴祁妻向氏年二十五祁沒無兄弟遺三孤方稚向矢志守節事姑孝謹課子有方知縣德貴以額旌之

劉衍唐妻王氏年二十八衍唐歿王撫棺長慟封髮毀容守節二十五年

陳之機妻趙氏年二十八之機歿將斂趙剪髮置其懷家徒壁立質衣餼以備喪葬撫遺孤成立苦節二十六年

曠士符妻黃氏父興禮歿無嗣氏年六歲哀號如

成人及適士符事翁姑能得其懽士符卒氏年二十八與妾姚氏共守遺孤五姚出者二黃撫之如己出延師督教後皆成諸生夫先逝翁後沒黃治喪事無違禮有楊姓貧欲嫁妻黃聞之曰某母在媳去姑誰與事出金全之守節三十年
李琇妻曠氏年十七歸琇琇少孤貧卒時氏年二十八矢志守節悲泣終身撫三孤成立氏幼明大義事父母篤孝父沒母姚氏一子早卒就養於氏嘗攜白金百兩付氏令俟其幼孫成立給之氏雖

衡山縣志

卷之四十

列女節孝

二十六

貧未嘗取絲毫翁病噎謹調甘旨悉中其意翁沒姑高年多病扶掖抑搔不少怠其姪女適文貧不能自存時輟饗殮周之教子甚嚴衣服飲食皆有法度紡績織紝以資束脩至老不倦家生婢女五人俱擇良家嫁之不索價且遣其僕知立並貸其身值年七十有三命喪葬遵家禮不得用浮屠子光湘孫宗榘宋榘皆成諸生

按此條衡州府志所載與湖南通志略同但府志云子光湘宗榘宋榘皆成諸生通志光湘下

宗榑上有孫字應從通志又宗榑後領鄉薦二志皆未載茲爲補之

吳岐妻曹氏年十九岐沒長子方一歲次子尙在腹曹慟欲身殉舅姑抱孤子泣諭乃止氏事舅姑孝且敬生養能竭其力喪葬不違於禮教育兩孤嘗篝燈課督並令其甥楊桐楊榮同就傅食俸皆代籌之次子正錦食餼於庠二甥相繼領鄉薦文光國妻劉氏于歸僅五日姑龍亡氏哀毀踰禮時堂上惟祖姑存年已七十有七氏事之甚謹及

衡山縣志

卷之四十

列女節孝

二十七

光國歿孤兒景濂尙在抱氏含辛茹藥教子有方後景濂補博士弟子員

以上見衡州府志湖南通志以下通志未載見衡州府志

皇清

文具妻楊氏年二十九守節

雷浩春妻顏氏年二十六夫亡無子撫夫弟次子爲嗣事姑孝家貧竭力奉養甲辰火災姑病在床火逼寢戶氏冒火負姑出髮膚灼爛鄉里稱之

文忠海妻黃氏年二十九夫亡遺子三氏飲泣撫孤皆成立爲諸生氏不逮事姑事祖母甚得其權初氏父無嗣欲以遺田與氏氏不受爲父撫子承宗祀以田給之

曠推本妻羅氏年二十二歸曠克盡婦道痛不逮事翁姑每生忌辰致祭維謹夫少孤賴夫兄教養氏事夫兄如舅姑年二十七夫歿欲身殉念遺孤四歲無依勉進粥育子辛勤擇嚴師教之不遺少姑息子或讀書達旦躬紡績以待性樂施捐穀

衡山縣志

卷之四十

列女節孝

二十八

入祠倉社倉以調族里苦節至五十歲貞操皎然顏世掌妻廖氏年十八歸顏事舅姑甚謹相夫盡婦道夫以苦讀致疾氏禱以身代夫臨危氏嚙指血染夫手爲誓夫亡氏年二十四有欲奪其志者氏斷髮毀粧撫子道一教之成立守節至老彌堅曠士篤妻郭氏事舅姑孝年二十八夫歿氏代夫盡子職課子嚴丙夜篝燈不少姑息子四膺歲薦者一列成均者三性樂施有許佃逋租六十石謀嫁媳以償氏立蠲之又有劉佃逋租三十石負債

重至欲自盡氏蠲其租並給銀二十兩代償共負周正迎妻蕭氏年二十七守節夫存時座上客滿中饋供給達旦不倦憾不逮事舅姑祭祀必誠敬二子遊成均諸姪有登賢書者皆延師課督之力也卒年六十一

按氏嘗捐田二石五斗入家塾教族子弟又捐田一石五斗入高山祠爲春祭又捐田二石一斗入長碧祠爲秋祭以孫安榜例授布政司理問銜請

山縣志

卷之四十

列女節孝

二十九

贈太安人

曠廣本妻周氏年二十六夫亡孝事翁姑喪葬盡禮夫弟五人同居共爨庭無間言性慈惠鄰婦羅氏寡難自給氏歲給穀五十石羅母子賴以全活乾隆二十五年置綿衣百五十件給孤貧趙又虞妻鄧氏年二十七夫亡矢志不貳氏幼孝父母歸趙事翁姑尤謹姑疾調藥和糜彌月間目未嘗交睫夫病衣不解帶夫死勺漿不入口者累日承夫志刻意教子成立年七十二勁節彰聞

易鵬萬妻趙氏年二十一守節氏幼曉大義父母
鍾愛歸易事夫甚敬夫多病好苦讀氏紡績以佐
前姑早逝事後姑維謹歲掃夫塋每見孤雁悲鳴
里中以爲節孝之感年五十餘貞操皎然
賓文紹妻涂氏年二十四夫亡守節凡四十九年
文紹無兄弟家貧窘氏翁精醫活人無算賓客過
從無虛日氏辦膳必腆撫遺孤艱苦備嘗卒克成
立

饒開柳妻陳氏性柔嘉循婦道翁姑重之翁嘗遠

衡山縣志

卷之四十

列女節孝

三十

客夫赴湖北鄉試姑病月餘氏侍湯藥不懈氏於
家爲冢婦躬親操作勗夫率諸弟開懋等壹志於
學後開懋登賢書開柳没氏年二十六絕粒者數
日飲泣撫一歲孤茹藥終身

饒天煥妻文氏開柳媳也天煥自幼以孝稱氏事
孀姑委曲承歡里中有雙孝之目夫素多疾氏盡
出嫁時衣裳以償藥費夫歿氏年二十九至五十
歲未嘗見齒勤於教子若嚴父然

陳湘妻龍氏年十七歸湘湘嗜學年少遊庠讀書

家塾氏供膳精潔善事翁姑翁姑抱孫念切氏勸夫置妾妾生女四氏爲擇配遣嫁不啻己出湘歿遺孤甫八歲翁姑年老氏年二十七忍死矢志至五十歲以節孝著

李浩妻蕭氏年二十一夫歿四月方生一子有因其少寡子幼勸令改適者氏斷指自誓死而復甦教子成立事翁姑以孝聞

按氏子名昭杰入太學有文行見文苑

楊廷秉妻朱氏年二十四夫亡孝事舅姑教子成

衡山縣志

卷之四十

列女節孝

三十一

立端莊靜正閭里咸取法焉

趙日章妻鄧氏妾徐氏鄧于歸七載未有子勸夫娶妾徐氏生子安魁未幾夫故鄧年二十四徐年二十同矢貞操撫孤成立事翁姑克盡孝養

胡之桂妻王氏年二十四夫亡柏舟自矢甘守清貧上事翁姑下撫孤子克盡其道

羅在天妻陳氏年二十六夫亡事翁姑克孝撫育藐孤矢志冰霜至老不渝

陳澤華妻周氏年二十九夫亡孝事翁姑慈育兒

女尤能力行善事

秦子爵妻毛氏年十四于歸二十六夫亡遺子鳴

臯氏以夫三世單傳矢志撫孤年八十八歲無遺

議焉

熊一潮母唐氏二十一歲喪夫堅持冰操育子成立

廖國祺妻吳氏年二十一夫故苦志撫孤至六十五歲貞操勁節人皆欽式

康如泌妻陳氏如泌庠生卒時氏年二十八矢志

衡山縣志

卷之四十 列女節孝 三十二

不貳撫孤有成樂施好善里黨頌德

以上見衡州府志以下分見諸志

蕭懋枚妻董氏湖南通志衡山人年二十夫亡守節嘗封髮毀容引刀自誓因貧移居母家紡績自給教遺孤泰昌成諸生乾隆二十年

旌 嘉慶丙辰壽登百齡提學范錫題冰操人瑞額

此條邑舊志未載並查衡州府志七屬列女均未載應係遺漏茲據省志補入

劉其有妻譚氏邑舊志厲志孀居劬勞訓子

按氏湖南通志衡州府志但列其名未載事實

蕭五常妻姚氏

朱六相妻李氏

以上二名見湖南通志衡州府志邑舊志三志均未錄事實今姑附載

譚尙笏女弟邑舊志適攸邑庠生蔡上萃未一年上萃卒譚早寡無子義不再醮期月魚水沒世冰霜人以爲難

又按攸邑志氏夫既逝懼奪其志遂私吞耳環

衡山縣志

卷之四十

列女節孝

三十三

銅錢欲以身殉姑覺延醫診治得不死及爲夫營葬自題其碑曰清茂才蔡上萃之墓苦節五十餘年

又湖南通志王璠妻劉氏衡山縣志年十八歸衡陽王璠康熙壬子璠赴鄉試以疾卒劉年二十九哀毀骨立濱死者數按此條見衡州府志衡陽列女邑舊志並未載入疑通志衡山縣志山字應是陽字之誤歸衡陽王璠應從府志作歸王璠衡陽二字衍

又湖南通志列女衡州府上劉某妻陳氏府志
衡山人適安仁劉某又通志列女衡州府下劉
宏凱妻陳氏衡山縣志適安仁劉宏凱 按劉
某卽劉宏凱本係明人籍安仁通志誤分兩條
一入前明一入

本朝查府志安仁列女前明劉宏凱妻陳氏一條
所載甚明通志前條旣本府志宏凱名府志所
有不應但云劉某衡山人三字府志所無不應
增入後條係本衡山縣志今所見葛志德志鍾

衡山縣志

卷之四十

列女節孝

三十四

志並無劉宏凱妻陳氏事通志所載未確當從
府志兩條止作一條入安仁不入衡山入前明
不入

本朝

又湖南通志鄒乃英妻楊氏衡山縣志年二十
六夫亡遺子二女三舅姑以貧苦屢勸改適氏
誓死守及幼女旣嫁氏曰今可從夫地下矣遂
嘔血數升卒此條邑舊志未載又查衡州府志
鄒楊氏載入衡陽疑通志衡山縣志山字當是

陽字之誤

衡山縣志

卷之四十 列女節孝 三十五

補節孝

彭行健妻左氏年十七歸彭二十六夫沒氏首觸
碓柱幾死因子女俱幼宗戚勸諭遂矢志撫育孤
燈殘夜織績辛勤數十年如一日每兒姪輩述當
年屬纊時事輒掩涕長慟嗚咽不自勝後年五十
夫姪孚以文壽之且額以匾曰百尺松條氏生平
事舅姑孝夫孀母嘗病疫子姪輩俱不起鄉鄰畏
莫敢近氏乃終夜獨伴侍湯藥親澣滌經半月無
恙羣推神佑嘉慶壬戌壽八十六終

衡山縣志

卷之四十

補節孝

三十六

歐陽且初妻賓氏素嫺內則事舅姑孝謹年二十
四而寡孤子世輿甫三歲矢志撫鞠飛蓬敗絮無
所矜飾至老不改性慈愛每見他人幼孤輒垂泣
煦嫗且初兄筠川元配之子世載世穀及世載二
子皆幼失恃氏撫之如己出族黨皆稱爲節婦慈
母云

歐陽開岐妻唐氏少奉姆教年十八歸歐陽實雍
正丙午開岐年二十五夏遊庠秋領鄉薦冬生一
子鄉人皆榮之數年開岐自京歸勞瘵成疾子殤

開岐亦死氏誓不欲生宗親諭止之乃撫姪嗣派
爲子教養成立勤儉居積嗣派亦能孝養入成均
晚歲諸孫繩繩受福以終其娣袁氏歐陽紹康之
妻亦早寡無子一再撫姪皆天年六十賚憾以没
姪行六年二十餘物故遺孤尙在襁褓妻袁氏以
兩叔母之風慨然守義操作勤苦娶婦生子年五
十餘一日晨起含飯餒孫擲箸端坐而逝
賓廷魁妻彭氏少閒靜寡言笑工操作歸賓生三
子未三十而寡阿姑氏之從姑母也亦早寡多病

衡山縣志

卷之四十

節孝補

三十七

氏與姑相依爲命孝養備至無何廷魁弟增城又
天無子妻胡氏幼艾誓天撫姪晚歲皆勤苦紡績
衣食略無怨語廷魁四弟周祐攻舉業年三十没
妻黃氏植遺腹貞靜自守一門三節家風肅然
賓韓城妻王氏年十九歸賓歲餘夫故氏剪髮納
夫棺誓不二適撫姪福二爲嗣闔室孤燈年五十
餘諸孫不育福二繼亡氏撫夫神主哭之曰妾之
報君心力盡矣妾乃今從君於地下矣遂溘逝柩
車合葬之口鄉人見之皆太息有垂泣者

賓世綵妻彭氏年二十以孝謹聞生二女世綵少
豪宕能指頭畫鷹一日泛舟漢陽染病物故氏撫
姪美大爲嗣約定家規雖宗戚不得入側室之門
後美大且老猶守此風初美大撫時尚在襁褓大
姊許字湯廷獻日夜保抱不啻同產及適湯年二
十三廷獻溺死遺孤大昭氏泣血守志闔戶織績
非至親不見其面凡事舅姑和妯娌一遵母氏之
訓庭無間言母女皆以壽終

以上所補十一節婦本彭孚白雲篇內惟彭左

衡山縣志

卷之四十 節孝補

三十八

氏賓王氏現經呈報申詳餘均據白雲篇錄入

增節孝

文麟書妻羅氏年二十七夫歿家徒壁立氏紡績以供饗殮順事老姑定省不廢育子成立乾隆三十九年

旌

喻景南妻彭氏年二十夫故遺一子家計窘甚父迎歸欲令改醮氏引刀割髮母叱曰家貧子幼何自苦乃爾又斷指以誓安貧守節孝事翁姑教子成立乾隆四十年

衡山縣志

卷之四十

增節孝

三十九

旌

蕭兆淳妻李氏年二十二夫故孝事舅姑撫姪承祀先氏歿諸孫賴氏翼成乾隆四十四年

旌守節四十年

李豈九妻劉氏年二十夫亡遺腹生子不育撫繼承祧孝事翁姑生歿盡禮女嫁亦克修婦職不忘氏訓乾隆四十五年

旌守節四十年

楊元龍妻羅氏年十八夫故誓不欲生因有遺腹

勉活甘貧守志孝養翁姑子名枝茂鞠育課讀心力皆殫乾隆五十二年

旌守節四十二年

趙履遂妻左氏年十九夫歿有遺孤矢志撫育未幾天亡乃撫姪承祧事翁姑曲盡禮節嚴訓後昆宛如師傅乾隆五十二年

旌守節四十年

羅萬里妻楊氏年二十七夫亡家貧遺孤占鰲氏奉翁姑盡禮教子有方乾隆五十三年

衡山縣志

卷之四十

增節孝

四十

旌守節三十四年

羅以選妻蕭氏年二十六夫故一子元德尙幼氏孝事翁姑撫育孤子婦職子職母道父道一身盡之乾隆五十三年

旌守節三十三年

鄭紱周妻羅氏年二十二夫苦讀病故子之蘗生五十日氏首觸夫棺卽欲身殉姑以撫孤承祧泣諭之遂忍死苦守課子有方尤善事二老乾隆五十五年

旌守節三十五年

成之烈妻王氏年十八夫歿氏卽欲投繯因有遺腹或勸忍死待產果產男宗昌乃撫孤苦守孝事翁姑嚴課子孫乾隆五十七年

旌守節三十八年

蕭世敏妻羅氏年二十七夫歿鞠育孤子以承宗祀敬事舅姑善誨兒孫乾隆五十八年

旌守節三十三年

胡本佳妻王氏年二十二夫歿無嗣事孀姑盡孝

衡山縣志

卷之四十

增節孝

四十一

撫育猶子教訓成立乾隆五十九年

旌守節三十八年

彭傳信妻譚氏夫疾革謂氏曰我爲冢嗣無子今病必不起母老矣將若何氏咬指誓守時年二十有五夫旣逝撫姪汲承祧延師課讀不倦汲任巴陵訓導嘉慶十七年

旌

彭傳恭妻羅氏年二十四夫故侍六旬姑能委曲承順一子甫歲餘撫養辛勤姑臨終執氏手願其

子孫榮盛姑死塋畢並翁與夫塋咸建墓子名治授登仕郎嘉慶十七年

旌

文茂李妻夏氏年二十九夫歿阿翁年老多病姑羅早逝繼姑湯亦善病氏勤紡績供甘旨能委曲承歡嘉慶十八年

旌

周芳麓妻羅氏于歸後翁年老患目疾姑素多病氏殷勤服事左右就養夫歿氏年二十有二一子

衡山縣志

卷之四十

增節孝

四十二

名沛霖竭力撫育踰冠而歿氏哀痛欲絕曰未亡人所以不死者惟有此子耳今何望哉媳羅氏克紹姑志撫姑夫三弟次孫以承厥祀嘉慶二十年旌

譚登甲妻朱氏年二十八夫死目不瞑氏咬指血滴夫掌旋截髮納棺中誓死守夫乃瞑遺一子未週越五月忽歿氏恐奪志投繯數次姑覺亟請於翁以姪開烝繼鞠養成童延師課讀例授州同銜嘉慶二十年

旌

唐楨思妻朱氏歸唐夫病已篤氏奉湯藥六月寢食俱廢夫歿氏年二十歲絕粒將百日惟少飲泉水死而復甦者數十次翁以氏素明大義諭以撫子延祀大於死節乃勉進饘粥撫姪安煌以承夫後嘉慶二十三年

旌

單彰國妻董氏年二十三夫故越兩月始生子廷彥零丁孤苦撫養成童延師課讀例入成均氏夫

衡山縣志

卷之四十

增節孝

四十三

三代單傳氏代夫曲盡孝道善事祖舅姑及舅姑生養死葬均無違禮嘉慶二十三年

旌

曹良明妻劉氏年二十八夫故翁姑年老多病氏調理湯藥必親煎先嘗辛勤紡績措奉肥甘及歿喪葬盡禮義方訓子不存姑息子名繼立例授州同銜嘉慶二十四年

旌

劉世衢妻蔣氏父自如縣學博乾隆十年氏年二

十七夫亡室如懸磬能以紡績奉翁姑課諸子
世衢故儒生賴氏經營子紹書香後家稍裕時出
有餘以周貧乏隣有因逋欠而出妻者氏鬻簪珥
以償全其伉儷嘉慶二年身故二十四年巡撫部
院李給以節孝可風額
陶巨勲妻黃氏父而時業儒夫邑庠生氏年二十
有五孀居礪節事翁姑生死無缺禮勤於教子子長
先緒克續家聲益振嘉慶二十三年護撫部院翁
給以節孝可風額

衡山縣志

卷之四十

增節孝

四十四

曠轂賢妻劉氏年二十四夫亡守節撫承姪宗事姑
盡孝教子成名夫弟麓賢任益陽訓導以己妻應
得

封典爲氏請詳封廕嘉慶二十五年巡撫部院李給勁
節維風額

譚蘭洲妻曠氏父名大澄乾隆四十四年氏年二
十有四夫亡翁繼逝茹荼事姑曲解其憂姑年八
十而終喪葬盡禮蘭洲故業儒氏體其志訓子不
存姑息後長男聚景雋邑庠餘亦屢列前茅嘉慶

二十五年縣具文詳請給匾
單詩佐妻蕭氏父名德也乾隆元年氏年二十七
歲夫亡守節家貧能以紡績奉舅姑生死無缺禮
後家漸豐卽竭力以周貧乏修橋梁里有欲溺女
者多賴以活以子還禮例授職銜請
贈見封廕

晏元孫妻劉氏父文學茶陵州庠生氏子繩先繼
先俱國學生康熙四十五年氏二十有六夫亡守
節家有藏金覬覦者謀危其孤而奪之氏知乃悉

衡山縣志

卷之四十

增節孝

四十五

散家財以施貧困孤賴以全孝養孀姑艱辛不渝
乾隆十四年身故茹苦四十三年

蘓明亮妻王氏父名泰生夫素業儒康熙五十二
年氏年二十有三孀居守節至乾隆三十二年身
故氏歸蘓時憾不逮事舅姑歲時祭祀維虔夫歿
子歲餘有強之嫁者氏抱子夜逃渡亂流不死起
家勤儉媳譚氏亦與同心恒以紡績餘貲分惠鄰
里後孫曾多食餼遊庠人以爲兩世節孝之報
趙良蔚妻譚氏父名爾錫夫儒士雍正二年氏年

二十有五夫亡守節乾隆五十三年身故氏喪夫時從尊者命不以身殉承奉舅姑生死盡禮紡績餘貲悉以訓課其子孫曾林立不廢耕讀曠宗彝妻曹氏父名二酉夫儒士雍正三年身故時氏方十九歲矢志守節事繼姑篤孝撫遺腹子躬親訓課居常以禮自範言不出閫紡績餘貲出以濟貧乾隆二十七年氏故後裔專祠以祀建祠日有泉自地湧出味甘而冽人以爲隱德所致王東山妻喻氏父名文煥乾隆元年氏年二十有

衡山縣志

卷之四十

增節孝

四十六

五夫故舅姑因慟子患痼疾氏孝養備至二老皆以壽終東山故儒士氏教子成立能讀父書後家稍裕卽以餘貲恤孤寡自奉儉約嘗曰吾無福少爲子孫造福乾隆五十一年氏乃卒董學五妻單氏年十七學五入贅僅七月學五赴府試歸卒於家氏聞訃奔董袖刀自刎棺前血流滿地誓必死翁姑聞有遺腹救諭方止毀容守節越六月生子時亨時亨年甫冠而歿氏撫孫光祖教養成立卒年六十二歲

單克曜妻董氏父名恭才乾隆庚午氏年二十有七夫亡時長男甫六歲次止四月鞠養成立孝事翁姑生養死喪禮無違者孫富禮楷禮竝入成均嘉慶癸酉氏故守節六十三年

廖源清妻陳氏年二十八夫亡守節事舅姑盡孝性敏惠諳大義鄰里有急莫不周恤家規整肅門內食口近百五代一堂教子孫以耕讀列成均遊黌序者凡五人年五十邑翰林曠敏本贈額節凌壽嶽後六十七八十周世玉周安邑陳朝恪等

衡山縣志

卷之四十

增節孝

四十七

各有贈言及登九齡族黨稱觴邑舉人歐陽春爲製敘道其節勁而壽高又三年乃終其十六孫國球早故婦胡氏年二十三矢志堅守現年五十能力追祖姑遺風焉

歐陽翕孫妻陳氏父名木長故儒士夫邑庠生乾隆十六年氏二十五歲翕孫物故氏號慟欲殉念舅姑年老女方齟齬遺腹未育乃哭奠成禮越四月生子開菊撫養成立以承夫後舅姑壽踰七旬生養死喪均能合禮乾隆六十年身故

李振楚妻張氏父名茂達乾隆十八年氏年二十有
四夫亡守節事繼姑盡孝訓子有方壽至九十餘
齡孫曾繞膝親見五代乃卒
李楚璧妻羅氏父儒林郎名起泰夫儒士氏年二十
歸李至二十九歲夫亡號泣攀棺誓殉姑諭以
撫孤爲重始哭奠成服子名達添甫二歲鞠育成
立阿翁早世常以不逮奉養爲憾事姑愈謹遺產
甚微勤儉操持田廬日廣歲饑減糶無少吝嘉慶
辛未氏年九十眼觀五代壽乃終

衡山縣志

卷之四十

增節孝

四十八

楊百川妻唐氏父名殿陞國學生夫亦國學生氏
年二十有五百川身故時兩男俱幼氏撫養成立
延師課讀長瓚代以縣首入泮棘闈屢薦次明代
積學有聲例入成均氏持家儉約能推衣食以周
貧困修道路以成康莊人稱巾幗典型壽至八十
有一守節五十六年續通志卒年五十六誤
劉文果妻李氏明經李資淑孫女五歲卽受內則
孝經論語諸書於其祖及笄適文果果十五能文
章試不售賚志卒時氏年二十有八代夫供子職

姑病湯藥必親煮起居必親扶姑卒喪葬盡禮氏性好施嘗置車路橋田租三十碩資本支子弟肄業膏火修杉仙寺佛像費百金又捐銀助置鶴嶺茶田凡以善募化者不吝歲歉卽施粥教二子有文名皆早逝諸孫克紹書香孫復生孫五代一堂歲貢李寶光額其堂曰紫閣清臺壽八十二終劉廷迎妻向氏年三十夫亡壽至九旬五世一堂詳女壽

趙禮元妻歐陽氏父名偉度乾隆癸未氏年二十

衡山縣志

卷之四十

增節孝

四十九

八歲夫亡一子豹文甫四歲家貧井臼躬操紡績不輟事姑恒得其懽撫孤尤勤訓課孫曾繁衍嘉慶辛未氏年七十六卒

陳開蓮妻國學生王盛侯女開蓮業儒未第乾隆甲申物故氏年十九有遺腹方數月念夫三歲姑向孀居繼志堅守越六月生男虞易撫養成童教以詩書例授職員氏年未五十見孫乾隆癸丑身故

顏士采妻廖氏次柳女年十八歸士采相敬如賓

事翁姑及祖翁克盡孝養年二十七夫亡一子甫
歲餘氏欲殉夫念呱呱者無依而止孀居不苟言
笑值夫生忌辰號泣祭奠好賑恤孤窮隣里戴德
訓子孫以義方子德容入成均孫魯瞻充約正曾
孫承紱業儒氏六十時督學何錫題翠柏長青額
嘉慶十七年氏年八十無疾而終
李宗訓妻歐陽氏儒士歐陽錫女監生運長姊年
及笄于歸又十年夫故一子七歲氏慟欲捐生翁
姑諭止之氏素孝事翁姑致敬盡禮姑病捧藥滌

衡山縣志

卷之四十 增節孝

五十

汚事必躬親撫摩胸背夜不就枕者數月夫世居
市氏慮幼孤習染翁姑服闋攜子就母家鄉居擇
師教讀飭遠損友子年方壯鄉推老成氏旣徙鄉
日掩戶紡績非至親弟姪不得見糞除祖堂朔望
率子孫禮拜先塋歲掃不憚遠勞守節十五年身
故
賓立榮妻陳氏父方曙邑庠生夫例授禮部鑄印
局大使乾隆戊子氏二十八歲夫亡守節孝翁姑
和妯娌義助親鄰自奉約而紡績勤人罕得見其

面撫夫兄之子爲後訓以義方男孫皆遊黌序嘉慶戊寅氏乃歿

曠欽明妻王氏肇康女適欽明六載而孀遺孤四歲名興賢遺腹五月生次子舉賢氏矢志苦守時方二十三歲舅姑繼逝祖舅姑年踰八旬且善病奉事維謹歿葬盡禮撫育二子備極勤劬先世三代單傳氏有孫六曾孫十元孫二目見五代邑紳曹紹官題額月映冰清族紳楚賢贈額節壽彌高嘉慶丙子壽八十七乃終孫學通奉主入公祠

衡山縣志

卷之四十

增節孝

五十一

李承業妻向氏年二十四夫亡守節孝事翁姑久而彌篤訓子成名孫曾亦俱能自立嘉慶乙亥壽近八旬身故

羅中裳妻秦氏夫業儒早故氏二十六歲絕飲食誓相從地下翁姑勉慰之始少進薄糜守志撫孤至於成立壽終七十七

羅欽楚妻周氏夫業儒早故氏年二十三歲舅姑無存僅有二孤氏抱孤誓於夫靈願終身守遂毀容茹藥紡績教子壽終八十九

羅席獻妻蕭氏夫儒士早故氏年二十六矢志守節家被回祿室廬皆燼人有勸氏改醮者氏矢志益堅奉翁姑盡孝遣子就傅皆取資於氏之十指卒年六十八

羅家相妻顏氏夫自幼業儒及歿氏年方二十三上無舅姑下無兒女乃依伯叔姑以居撫房姪爲嗣旋亦夭折氏煢煢孤獨矢不再適卒年八十七

成興瑞妻王氏夫業儒未第身故氏年未二十安貧守節遺腹得男三友丸熊教讀婚娶生子三友

衡山縣志

卷之四十

增節孝

五十二

亦早故其妻劉氏年甫二十孝事孀姑訓孤子以義方聞姑年八十卒媳年六十卒兩世勁節人欽其間

趙廣含妻朱氏年二十四夫亡守節孝事翁姑勤儉喜施撫孤子履洋成立壽七十四卒孫敦復郡庠生盛柱盛楨盛櫜盛梧俱業儒現曾孫九元孫一

趙履喜妻伍氏父名永年湘潭人氏年三十夫亡無子女訂湘鄉蕭姓未嫁氏竭力爲夫營喪葬葬

畢質產償債與其女紡績度日女及笄適蕭氏撫夫弟之子盛侃爲嗣方齠齻育成之又爲婚娶生子女氏乃氏卒性溫惠而嚴厲子姪輩見之無不肅然起敬女適蕭亦早寡矢節撫孤有母氏風彭傳書妻邑庠生羅景韓女傳書業儒乾隆甲午物故氏年二十七守節事繼姑篤孝姑病焚香願以身代歿後營葬盡禮媳歿躬撫弱孫茹荼飲藥終身不與喜慶事嘉慶庚申年卒秦文彩妻曠氏父紹基國學生夫業儒氏年二十

衡山縣志

卷之四十

增節孝

五十三

有五夫亡無子遺腹數月生男邦彥茹荼飲藥撫孤成立貢入成均孫曾蔚起嘉慶乙丑身故壽七旬守節四十五年

周正廩妻趙氏夫儒士氏亦讀書能詩年二十四夫病氏夢爲孤鸞吟及醒猶記一絕古榦千尋倚玉樓仙風吹徹暮煙浮不知彩鳳歸何處剩有孤鸞顧影愁知不吉焚香籲天祈以身代己而不起氏欲身殉暈絕數次舅姑勸以撫孤爲大氏始節哀成服撫孤成立延師課讀子列成均孫遊鬢序

壽終六十五歲守節四十二年

趙嗣耀妻袁氏父文在貢生夫國學生氏幼嫻女
誠于歸後事夫無違事翁姑祖姑能順以敬乾隆
己亥夫亡年二十有六矢志不貳撫孤成立守節
二十年身故子履塾履基俱國學生
尹先擇妻趙氏父名履平夫素業儒苦讀致病乾
隆庚子氏年二十有七夫亡一子尙幼矢志不貳
阿姑早逝每生辰忌日焚香拜奠涕泗橫流事翁
益謹供膳精潔翁歿與姑各葬兩處碑墓皆氏鳩

衡山縣志

卷之四十

增節孝

五十四

工建立性嚴正子列成均孫遊泮水氏之教也嘉
慶十二年身故

曹良熹妻唐氏父名步青夫儒士氏不逮事舅姑
每以爲憾乾隆辛丑夫故氏年二十有四慟甚誓
不欲生遵祖舅姑命勉活日夜辛勤奉養無缺先
撫夫兄子承祧未幾又舉遺腹子視撫子與所生
子無二旣長均遵訓爲端人氏年四十四身故
劉萬鵬妻彭氏夫例授職員歿時氏年方二十有
二矢志守節奉病姑經年衣不解帶姑歿喪葬盡

禮訓子成名督令建橋賑饑多行善果氏五十八歲身故

羅承頤妻袁氏父名昌祚故儒士夫亦業儒氏幼適羅至二十二歲夫亡無子所遺不過數十金撫堂姪士先承祧操持勤苦家日裕翁逝姑老奉養無缺姪女初貞失恃撫成訂鄭之環及笄備奩以嫁苦節十有八年故

王瑞周妻羅氏年及笄歸王性柔正克勤婦職事舅姑和妯娌內外無間言年二十六夫亡守節子

衡山縣志

卷之四十

增節孝

五十五

雋才甫五齡女三齡氏念夫力學不售齋志以歿乃矢志課兒朝夕誥誡必稱汝父徃徃聲與淚俱雋才恪遵母訓恢宏先業氏年六十八終有孫二世祥世廉曾孫五積規積衡積文積名積儒劉鵬舉妻譚氏夫儒士卒時氏二十六歲有勸之改醮者厲聲斥之卽避處一室紡績度日姑年七十病癱氏躬親澣濯三載不懈子孫耕讀爲業氏守節四十年身故
文新德妻聶氏年十七于歸廿九歲夫亡慟甚死

而復蘓者再茹藥撫孤子成立援例入成均氏事
翁姑孝生養死葬盡禮嘉慶己卯氏年六十身故
黃宗懋妻楊氏及其夫弟宗恕妻周氏長男文模
妻李氏均青年矢志白首完貞娣姒姑媳三節一
門族黨欽之楊年二十四守節舅姑先逝事祖翁
孝且敬教二子慈而嚴長男早歿氏以節終周年
二十五守節有子一遺腹女一教養婚嫁備極勤
苦後子婦皆亡二孫尙幼復撫養成立現各有子
氏年近七旬猶健李亦二十四歲守節事孀姑曲

衡山縣志

卷之四十

增節孝

五十六

盡孝養有子一自孀居後不出戶庭惟勤女紅父
母亡卽兄弟家迎之亦不往嘉慶戊寅氏年五十
二歲身故

周含章

續志作
方五誤

妻羅氏父邑庠生名章氏幼曉

大義年十五于歸克盡婦道越九載夫亡一子名
輝亮甫數齡有勸氏改適者力拒之撫孤守節敬
事翁姑教子孫最嚴子入成均有學行孫髫年工
詩文氏現年六十四歲

趙履芹妻李氏父名廷翰乾隆丁酉氏年二十有

四夫故遺一子一女矢志撫育門無妯娌能竭力
以事舅姑前姑早逝繼姑患病聾盲服勞奉養不
怠姑年八十餘乃終氏現年七十餘子盛水有學
行孫安可工詩文曾孫亦就傅矣
賓景命妻王氏夫儒士早故氏年二十四孀居貧
甚撫養二孤課讀完婚次男早世長男積學能文
未生子夫妻繼亡氏乃撫姪孫以承宗祀甫及冠
又故孫媳周氏無出復體祖姑志撫房曾孫爲繼
尹士煌妻秦氏父名觀光夫業儒乾隆甲寅氏年

衡山縣志

卷之四十

增節孝

五十七

二十有五夫亡矢志守奉姑教子均盡其道撫兩弱
姪無異己出起家勤儉舉動以禮鄉黨稱之
曹國寶妻羅氏父德環監生夫亦監生氏年二十
有九守節知書明大義事祖姑舅姑並躬奉湯藥
久而弗懈歿後喪葬盡禮徙居墓側終身不華服
尤能訓子以義視孤姪若所生
曠道華妻丁氏父獻九邑庠生夫幼業儒氏年二
十于歸二十六歲夫亡無子祖姑黃氏姑丁氏均
青年守節撫氏姪樂賢爲後事姑維謹夫生平好施

傾囊不足售產以繼氏性勤儉夫歿舊產悉爲贖
回仍不廢弛又爲夫建墓用費多金子援例授職
因未舉孫命置妾以全宗祀族姪楚賢爲設節孝
生身主於宗祠

劉乃佛妻歐陽氏

恩賜翰林歐陽謨孫女年二十六夫故遺孤克昌方數
齡氏備嘗辛苦撫子成立延師訓課不少姑息
趙嗣輝妻尹氏年二十七夫亡一子履泮方三歲
氏日夕撫孤兒涕泣養教成立入太學子歿氏勤

衡山縣志

卷之四十

增節孝

五十八

誨四孫常以毋忘祖訓是督性恭儉善治家戚紳
額其堂曰安節之亨現年八十孫曾繁衍

續通志誤
載壽終

劉章輝妻向氏庠生向學山孫女年二十八夫故
與姑李氏同矢冰操事姑孝訓子嚴夫弟婦逝遺
孤數齡養教婚娶如己子嘗命長子國學生乃儀
建宗祠置祭田自始祖以至親祖墳墓皆甃石修
葺各置墓田始祖另置燈田十畝又倡族建家塾
兩處一置租五十石課族子弟一置糧二十餘畝
課本支子弟福主祠文昌會各置祀租十石獨修

節壽橋三齋橋並磴三處石路各長里許費踰千

金次子乃僕有文名氏年七十餘孫曾數十俱業
耕讀

楊漢升妻喻氏父名志道有學行夫素業儒氏年
十九于歸二十六歲夫亡僅生一女夫兄弟亦無
子可繼鄰婦勸其改醮氏斥之孀居三十載夫弟
本彪始連舉二子氏乃撫彪次子善寶承祧延師
課讀蜚聲鬢序氏年六十族爲置額於祠曰柏節
冰心

衡山縣志

卷之四十

增節孝

五十九

羅和西妻蕭氏夫儒士早故氏年二十七父欲奪
而嫁之誓不從時姑已老病氏扶護三載無倦容
紡績教子至於成立

謝振賓妻呂氏父徵逢湘鄉籍年十八歸謝又十
年夫故氏慟欲殉從姑命勉活有一子一女養育
婚嫁心力幾殫孝事翁姑及繼姑生歿盡禮勤儉
自守足不踰閩生平好積陰功施與無倦現年七
十餘子興唐素謹厚孫履仁溥仁俱業儒曾孫徵
文徵獻

秦世醇妻歐陽氏年十七于歸又六年夫故遺一女氏矢不貳父母憐其年少無子欲令改適伯某亦婉詞以勸氏泣拒自是不復歸省者二十餘年初氏適秦姑已逝恨不逮事膳養老舅維謹妯娌亡詬詈聲既孀居口無妄言足不踰閩歲時惟躬詣夫塋掃祭慟哭而已撫子玉蓮殤誓再撫諸兄弟子以承夫祀女適庠生趙履和
劉清潢妻李氏儒士李希賢女年二十夫亡忍死守節一子平睨尙幼氏鞠育成教以義方娶媳生

衡山縣志

卷之四十 增節孝

六十

二孫邦本邦均氏事翁姑孝家不甚豐而好施與
凡建祠修譜造橋甃路不吝捐助年五十餘足不踰閩

李在茲妻謝氏謝宗彝長女年十八歸李二十二歲夫亡無子有勸氏改適者憤齧一指以誓歲兩上夫墓餘雖母家不輕往也繼姑蔡病扶侍屢月不懈蔡歿遺子在芷五歲在藝三歲在菡甫數月舅繼亡氏撫育三穉提攜保抱養教婚娶後撫夫弟在葵之子立敏爲嗣延師督課年五十餘紡績

鍼紕未嘗一日懈

鄭基周妻顏氏世祝之女年十七于歸未三載夫病篤氏對夫誓不貳夫亡五月生子之英家貧紡績不輟阿翁處士瑩潛修靜谷氏侍姑王同寢二十餘年姑病亟氏泣欲身代恍惚中有神傳藥方治之果愈性誠謹凡夫遺手澤每年沐手撿曬值翁姑及夫生忌辰祭必腆躬縞素拜墓夫墓碑表皆所建立督之英勤學肄業雯峰石鼓各書院有文名孫三曾孫一氏年七十家日裕

衡山縣志

卷之四十

增節孝

六十一

趙安易妻周美材女年二十七守節其長男而利妻張氏二十四歲夫亡母諷改嫁引刀自刎姑奪刀慰以同守自是姑媳一心矢志不貳姑現年七十有五媳五十歲孫支繁衍

嘉慶庚辰呈報以下同

李美韶妻宋宗山女年二十七夫亡矢志守敬事翁姑生死如一訓二子以義導諸親和睦家雖貧而志不渝現守節已五十年
許流璫妻袁氏國學生觀光女夫業儒早逝時氏

方二十二歲所生僅一女舅姑憐其少勸改醮誓死不從撫姪涵原承祀延師課讀入成均氏事舅姑孝生養死葬無違禮現守節五十餘年
譚毓杜妻王次水女年二十六夫亡家貧子幼姑年近八旬氏以紡績供饗殮躬操作而凜嫌疑現守節已五十年
譚時榮妻李氏父名締封夫自幼業儒氏年十五于歸至三十歲夫亡甘貧守志翁姑甘旨之奉出自紡績歿後喪葬盡禮戒子慎交遊勤耕讀人皆

衡山縣志

卷之四十

增節孝

六十二

欽其闔範焉現守節四十三年

謝崇偉妻萬氏父名良有故儒士崇偉亦儒士氏年二十有四夫亡哀痛欲殉舅使姑諭之曰吾兒無嗣惟汝遺腹是賴若以哀痛捐生是斬夫祀也氏遂遵訓節哀夫葬日舉一子名介文撫之成立現守節三十九年

袁以寬妻李氏父名朝維氏年十八于歸至二十二歲夫亡子名式範甫歲餘鞠養成童延師課讀勤紡績以備膏火阿翁貢生名文在早逝姑老病

偕孀姊陳氏寢食其側服事維謹月餘不懈及歿
哀慟盡禮現守節三十八載

文楷妻王氏父家賓國學生夫邑庠生氏孀居時
長男詔臨五歲次試臨一歲家窘甚氏勤於紡績
躬操并臼事翁姑克孝事姑之姑尤謹嚴課子孫
詔臨食餼膠庠試臨能文工詩書法善摹古帖諸
孫俱業儒氏年二十有五守節現年六十有三
鄭韻周妻胡氏父本儀邑庠生祖然乾隆癸酉舉
人夫素好學能文氏年十八于歸至二十三歲夫

衡山縣志

卷之四十

增節孝

六十三

亡無子泣血痛哭幾至滅性翁姑以氏有遺腹諭
止之夫歸山日舉一子撫成生孫氏事耄耄翁姑
生歿盡禮現守節三十七載

趙嗣炯妻曹鳴臯女年二十三夫亡守節性純篤
善事翁姑翁逝姑老能體其意每有所欲迎而遂
之夫無嗣撫姪履祿爲嗣教誨成立閨門肅若冰
霜守現節三十六年

鄧學濂妻李氏父名丹五夫自幼業儒氏年二十
于歸至三十歲夫病危籲天求以身代夫歿姑老

子幼欲殉不得乃矢志終守奉生送死起敬起孝
閨門嚴肅紡績讀書而外不聞餘聲家僅中產祖
設雷溪義渡氏每出貲修理之令子孫歲以爲常
現守節三十餘年

文鳳山妻陳氏父名佩揚夫業儒氏年二十于歸
至二十九歲夫亡無子有遺腹未卜男女撫姪賢
玆承祀越數月生子賢圭養育教誨親子撫子視
之無異孝事舅姑生死盡禮現守節三十餘年
曠克偕妻譚氏父名秀作國學生夫自幼業儒氏

衡山縣志

卷之四十

增節孝

六十四

年十八歸曠至二十二歲夫故子象賢甫二歲體
孱多病靡神不禱至於成立事舅姑敬處妯娌和
待子姪不啻所生現守節三十餘年

袁大謀妻陳氏貢生文在之第三媳也父名道堯
國學生氏年十七于歸至二十九歲夫亡遺一子
名兼善家貧勤苦撫孤娶媳舉一男媳歿氏躬養
孤孫與孀姒李同心事姑視姪如子現守節三十
餘年

蕭應誼妻黃氏父名昌侯攸縣人乾隆庚戌氏年

二十有一夫亡矢守克勤紡績事姑承朝暮不離
外人罕見其面子業儒娶妻子均善事氏奉氏
訓維謹現守節三十餘年
曹良極妻劉氏劉如章之次女夫業儒乾隆庚戌
身故氏年二十有六始欲從夫地下一子致文尙
在襁褓氏不忍以哕泣累高堂勉活矢守孝事翁
姑撫孤成立姑晚年遭目疾氏委曲奉事不離左
右五旬族戚稱觴力辭積金獨修楊家坊石橋甚
鞏固現守節三十餘年

衡山縣志

卷之四十

增節孝

六十五

彭逢瀾妻譚氏父名添潢故儒士乾隆丙午氏年
二十三夫故氏剪髮入棺矢志柏舟逢瀾業儒無
子僅一女適趙卓衡氏撫姪盛典承祀延師訓課
成諸生阿翁維翰刊有戒溺女文行世翁歿九里
中貧家生女者氏輒幫乳費助奩資比閭無溺女
者現守節三十五年
彭逢淑妻許氏儒士仲達之女逢淑素勤學乾隆
丙午身故氏年二十有三哭夫嘔血數升誓不欲
生姑諭以承宗啟後爲重遂拭淚撫孤養姑年近

六旬蘭孫繞膝節苦而甘

羅衡望妻趙氏父名盛詔夫素業儒氏年十九于歸二十八歲夫亡所生僅二女撫姪卓南承夫後視如己出竟日坐守閨闈言笑不苟孝舅姑和妯娌家無間言現守節三十四年

許嶽妻王氏父名鳳翥籍清泉夫邑庠生乾隆庚戌氏二十九歲夫亡氏素知書曉大義既孀居率妯娌以事舅姑訓子姪嚴葬夫及夫之前妻鄧氏悉如禮親族貧乏者周之捐修橋梁道路無吝現

衡山縣志

卷之四十

增節孝

六十六

守節三十餘年

蕭品三妻董氏父名周章于歸後家貧甚紡績佐讀事病姑晝夜匪懈乾隆壬子品三身故氏年二十有九矢志不貳教子孫皆循禮法勤耕讀現守節三十餘年

秦慶雲妻陳氏父繩武歲貢生翁士懋廩貢生夫業儒未第氏事姑止半載每以孝養不久爲憾乾隆壬子氏年二十有四夫歿一慟幾絕念遺孤尙幼乃矢志撫育教訓成立現守節三十餘年

羅培祥妻譚氏父名拔尤國學生夫素業儒氏年二十于歸又三載夫亡子起緒生甫數月體孱多病氏攜之伴居母家母疾篤勸氏改醮剪髮矢不貳且誓長齋爲夫保後子及冠始歸羅氏鬻妝奩勤紡績償夫舊債娶媳生孫現守節三十載

彭瀚妻顏氏父名綿臯國學生夫例授職員乾隆乙卯氏年二十有七夫亡矢守事姑能得其歡姑歿坐卧一室絕不茹葷屏去一切服飾親授子孫以孝經論語有儒士風現守節近三十年

衡山縣志

卷之四十

增節孝

六十七

彭淑妻監生歐陽泰女年笄于歸夫業儒未第嘉慶元年病革念身死母無人侍語甚痛惻氏時方二十五歲卽對夫剪髮矢不貳嗣奉孀姑以孝聞人有謀其祖塋吉地者氏匍奔墓所號泣兩晝夜事遂寢教子婦以耕織爲業現守節近三十年

王義文妻儒士丁慤齋女夫國學生乾隆庚寅氏年二十有一夫亡守節孝事翁姑義方訓子以禮持身至七十餘歲人尙罕見其面

唐名智暨弟名顯妻均李姓且同宗派智妻二十

一歲孀居無子母憐其少餽使他適氏操刀自割
幾死事姑極孝姑病默禱願以身代屢欲撫姪爲
夫後因爭繼事格姪窘恒分己膳周之性勤儉持
身以禮年七十餘鄰里親戚罕見其面顯妻二十
七歲守節一子文璪教養成立氏自孀居後恒茹
淡衣素事舅姑敬課子孫有法紡績無間寒暑節
儉所積施與無慳年六十餘與名智妻同居合志
過其閭者肅然起敬

康之鴻妻劉氏父名本也國學生夫邑庠生氏年

衡山縣志

卷之四十

增節孝

六十八

二十有九之鴻歿家窘甚氏無子夫無兄弟弱女
在抱衰翁在堂衣衾棺槨無措乃典釵環備喪葬
勤紡績供饗殮現守節二十餘年

廖人本妻劉氏衡陽武舉名繩祖之妹年三十夫
亡子幼矢志堅守孝事翁姑十數年如一日延師
訓子長康年入國學次康金應試現年例將符俟
皇恩旌表

以上俱係庚辰後陸續呈報

補

許平南妻錢氏在室克孝歸許敬舅姑和妯娌平南貧而好學氏出嫁時衣飾易金以助年十七夫故無子氏咬指血滴夫主矢不貳越兩月產一女撫姪承祧歲時攜子女詣夫墓哭奠哀感行路年七十一清邑嫻姪知政和縣鄧文起贈額永貞有跋撫子先卒氏年至八十有三賴姪希迎生養死葬竭力支持里黨稱之

賓印三妻劉氏年十七歸印三順翁姑敬夫子乾隆辛酉印三物故氏年二十六矢志守節茹荼飲

衡山縣志

卷之四十 增節孝

六十九

藥撐持家務延師訓課子羽鼎孫興賢皆能文章曾元叠起未艾嘉慶丁卯氏年八十壽終

陳嘉休妻向氏年十七于歸生女二嘉休病氏奉侍衣不解帶時年二十二嘉休以無子並未有姪慮氏難守氏誓候姪生嘉休歿氏哀慟泣血治喪詳慎既葬逢忌日誕辰必攜二女登墳哭拜又數年夫弟開懋生次子習生氏告翁撫承翁性剛氏每事必稟姑周多病氏雖析居朝夕必往問姑沒禱相從地下不數月溘逝遺命與姑同穴氏性儉

且勤延師就家塾訓子朝夕督課子青年入膠序
長女適周次贅羅純篤羅亦幼孤氏爲經營家產
教誨如己子門首石橋夫所遊憇夫沒氏每望橋
涕泣氏死而橋忽斷邑舉人郭開秀輓詩云生前
擬作望夫石沒後應傳貞婦橋
向鍾華妻陳氏鍾華子拾芹妻李氏均以節孝著
陳年笄歸鍾華生子女各一夫困名場憂憤病危
氏慰且禱尋愈越數年病復作遂卒氏哭絕數次
及葬剪髮並嫁時衣焚於壙時拾芹方數歲氏鞠

衡山縣志

卷之四十

增節孝

七十

養訓課既成童爲娶婦李氏李幼孤未笄卽于歸
性柔謹克循婦道生一女及一子顯梅甫周歲拾
芹病李服事數月未嘗就寢夫沒哭幾斃夫叔鴻
釗哀之代撫二鵷李甦乃送歸李旣葬夫種松培
塋他山松多蟲蝕此獨全初氏姑陳孝養翁姑將
卒顧其子曰爾已成立吾死可見夫地下但憾未
能終事二老乃強起拜別返寢遂逝李事陳素謹
雞鳴問視疾先嘗藥怡色柔聲一如陳之事其姑
也陳卒李思姑剪髮然衣事厝姑與翁同穴同里

謠曰姑也孝媳也孝天道好還有美報合邑傳之
王瓚孫妻羅奕山女年十六于歸克盡婦道夫好
學試不售致疾將終氏對夫剪髮明志孀居後戚
鄰罕見其面母迎之歸其舅氏勸令改醮怒而返
泣數日密封所剪髮呈舅舅不復言阿翁郡庠生
松韻喜賓客氏供給悉如其意翁故姑李善病氏
服侍數十年事無旁貸姑病背癱氏口吮之遂平
子三長早沒次枝繹三枝續延師課讀甚嚴俱援
例入成均性喜周貧不吝錢米終無德色有同堂

衡山縣志

卷之四十

增節孝

七十一

姪婦寡而寡留養於家以全其節氏現年七十四
歲

姚克一妻故儒陳仕錫女佾生鴻翥監生鴻桃之
妹年十八于歸二十九歲夫亡三子俱幼氏矢志
守節孝事翁姑甘旨無缺初克一寢食詩書不營
生計卒後家益索氏悉力摒擋稍贏卽以佐諸孤
膏火教子嚴甚懈輒箠後詩晉詩普俱需次銓
曹詩皙深諳吏事氏仍荆釵布裙遇翁姑及夫誕
日忌辰必然香煮茗涕泣拜禱雖老不懈現七十

三歲

文有常妻羅思道女年十七于歸生一子名選青甫四歲有常病革憂氏無托顧之泣氏亦泣有常卒氏年二十七絕絺矢守事姑素孝姑病危下後苑古井爲崇禱弗應氏投井欲以身代家犬吠其夫弟前引至井傍救甦姑亦漸愈育孤子飲食必親與日夕篝燈課讀積貲增產周恤貧乏家婢禮嫁其夫迫於債將出之氏典衣絺代償債枕獲全子應試屢列前茅例入國學氏現年五十七娶媳生

衡山縣志

卷之四十

增節孝

七十二

孫紡績如故

劉敦善妻向符海女年十四于歸十八歲夫亡矢志撫孤養姑姑嘗失足落井氏捨生救免于多病瀕危氏懼絕夫嗣投繯幾死姑見急號救甦子亦漸愈長成娶妻子氏自孀居後卽移居後苑屏絕粧飾親戚罕得一見有堂妹適人貧不自存夫欲出妻氏聞自鬻釵珥並命其子醵錢濟之天婦踵謝氏避不面現守節三十年足不踰閩

再補

方翰文妻賓居敬女年二十歸翰文甫四載夫隨父瓚澤任浙江宣平縣遂卒於署氏聞訃大慟墜樓誓不欲生姑王泣諭乃止撫夫弟鳳文次子學源爲嗣養教婚娶如己出事姑孝謹守節二十九年足不踰閫年五十三卒學源入邑庠孫三人長懋椿亦英年遊泮

陳朝柏妻曾氏年十六于歸三十喪夫夫業儒屢試前茅以份生終氏誓殉夫姑再三諭止時長子九歲次五歲三父死月餘乃生氏閉門紡績夜伴

衡山縣志

卷之四十

增節孝

又七二

姑宿姑既寡且獨哭泣善病年八十九卒生則委曲奉事沒則塋祭如禮皆氏獨任之後姑一年亦卒守節近三十年凜若冰霜

陳拔川妻李氏年三十而寡冰雪盟心松筠礪節撫育三子雅林柱南秀林均成令器姪某貧不自給幾莫保其伉儷後琴瑟如故宗祀不墜氏之力也年七十孫曾鵠起紡績之餘含飴取樂世居殷字早冰冲

附孝義

曠進賢妻胡峙衡女衡祖昌侯孝子也見舊省志
邑志氏幼聆庭訓深明大義乾隆癸巳歸進賢進
賢祖深本雍正丙午武解連捷進士仕歷陝西陽
平關副總及進賢而家落氏不以貧介意姑病日
夜侍湯藥經數歲不懈姑歿進賢遠貿氏年二十
有五一女弗育寒幃孤守以待夫歸又五載有欲
奪氏志者氏歸依母居紡績衣食非至親不面嘗言
此生不辰但欲歿後可對兩家先人現年六十餘

衡山縣志

卷之四十

附孝義

七十三

嘉慶己卯呈報

唐廷美妻聶氏年二十六夫北上轉遊各省未歸
家貧翁姑在堂氏勤紡績以供饗殮生養死葬媳
代子職氏無子有二女各擇佳婿備奩嫁之年五
十四身故又十三年夫乃歸
廖康淑妻趙氏增生昕之女年十九將于歸夫病
廟見後病危氏日夜侍湯藥衣未嘗解帶七十日
而夫亡矢不貳舅姑先沒夫無同懷兄弟諗諸族
長撫夫堂兄子爲嗣詳載家譜時同祖三房未析

產夫堂兄弟等遵祖遺訓造修橋路數處費數千
金氏皆愆愍成之見津梁志氏性孝慈事祖姑蕭
生歿盡禮鞠育撫子慮其多病連夕焚香祖堂長
跪默禱漏盡始起道光二年捐錢貳伯掛文助刻
邑乘

單彰煥妻劉氏祖翁帶書

見耆壽

翁繼堯叔翁載雍

監生氏年十四于歸敬事翁姑克相夫子年逾二士
無出夫納妾田氏生一子名庭發僅八月夫病篤
氏對夫矢不貳夫卒氏年二十六歲與田同守志

衡山縣志

卷之四十

附孝義

七十四

凜冰霜撫育孤子延師教訓庭發已入太學氏遵
夫遺言捐祭租入宗祠又捐租三十碩入支祠三
十碩入家塾現四十七歲孫支繞膝

按氏應入節孝因年例稍有未符附錄於此俟
五十後呈請

旌表可也

列女節烈

宋

趙淮妾衡州府志長沙人逸其姓名德祐中從淮
戍銀樹埧兵敗俱被執至揚州元殺淮棄尸江濱
妾俘一軍校帳中解衣中金遺其左右請埋淮尸
軍校憐之使數兵輿至江上妾聚薪焚骨盛瓦缶
中抱缶躍水死

邑舊志此據宋史所載約紀之耳查溧陽縣志
云阿朮殺淮於瓜州其妾綠雲翠蓮二人殉焉

衡山縣志

卷之四十 列女節烈 七十五

所載與
宋史異

明

歐陽氏邑舊志董維嶽之妻也天順間其夫爲官
捕賊殺獲頗多後賊八十餘人圍其宅焚之維嶽
與賊鬪而死氏見之慟不自勝亦投火死知縣鄭
冕給棺木爲文祭之

衡州府志維嶽死氏率子弟敵賊不勝奮身赴
火死 按府志云云出明統志

楊廷耀妻朱氏邑舊志宏治時人朱暘忠之女年

十七歸廷耀善事姑踰二年廷耀以端午競渡溺死氏誓守服除氏母兄強令改適富家氏度不免乃密自檢飭向夕走江濱躍水死後半歲得其屍江中宛然如生嘉靖間邑令彭簪遣人掃其墓爲文祭之

姚舜祚妻曹氏衡州府志時獻賊兵至衡山舜祚挈家避紫盖峰忽傳賊至走尊聖冲氏爲賊所獲逼不從連傷八刀死巡撫章曠聞其節遣姪率縣祭之 邑舊志氏曹振暘女及笄適邑庠生姚舜

衡山縣志

卷之四十

列女節烈

七十六

祚年四十三爲賊所刃昇歸猶以目視夫以手指天指心而死時癸未十月初八日聞者駭而慟之氏死百餘年中更修邑志者二不聞有採而述之者以致旌表莫及今網羅失散廣搜節烈久而後乃得之抑且幾幾乎失之也不亦重可嘆哉

廖尙文妻周氏衡州府志闖賊寇衡氏與姑蔣避山中賊掠其姑將殺之氏出冒白刃願以身代賊謂氏隨營乃釋其姑氏佯許之姑得脫隨行至虎檻塘奮臂投水賊怒刃斷其手時崇正癸未九月

十六日也死七日姑吳之意必隨營去矣氏有子名仕達夜夢母呼兒來塘中且往尋之果得尸顏色如生 邑舊志云亂息後一時文人學士哀而輓之者不可勝計

康國妻賓氏邑舊志邑庠生賓應范之女小字丁香生而端靜年十五歸康國國病涕泣請禱願以身代國死號慟欲列自是毀容垢面有議婚者則曰未亡人有死而已安能作犬豕復事他人耶

後死於一統志崇正間衡湘寇作應范舉家被執氏歸

衡山縣志

卷之四十

列女節烈

七十七

省亦與焉因給賊曰舍我父與弟願奉百年賊信之父弟獲免氏隨至柳樹塘遽躍水死

按丁香在康爲節婦在賓爲孝女遇寇能死爲烈給賊全父爲智真女中之杰也

羅某妻文氏衡州府志名桂香生而端靜事父母孝母鍾愛之不忍離年十七贅壻羅某未三月羅爲兵掠其父箠之曰死矣因有異志氏覺之請俟三年自是坐重幌雖至親罕見其面旣而父知其難奪乃爲置媵大治粧奩屬諸女弟慫恿且曰兒

父母在可恃也脫不諱謂終身何氏微笑對曰兒能自爲計不煩父母也乘間沐浴華飾更新衣投繯及覺則氣絕矣衣履俱密線疊縫無隙

按邑舊志文明台之女小字三姑及歿鄉人私諡貞烈唐允中贊曰古謂慷慨殺身易從容就義難方姑之微窺父意而以三年請也何難卽死然若是是遽死其夫也且事未可知奚弗姑忍以待如天之福策馬歸來趙璧在我及期過音沉無餘望矣今而後可以死矣寧爲玉碎毋

衡山縣志

卷之四十

列女節烈

七十八

爲瓦全從容投繯從夫地下嗚呼詎匪難之難者哉

較原文稍有訂正

曠聖福妻羅氏邑舊志年二十夫亡氏絕粒數日死

皇清

文瑜繼妻王氏邑舊志曠敏本傳云婦王承武女幼稟母教精女紅後適文瑜爲繼室瑜字非瑕有文名前妻歐陽氏生一子名見海九日失恃祖母陳育之聞婦柔順意可託娶婦方兩月瑜忽攫疾

婦侍湯藥扶持維謹衣不解帶目不交睫凡四月病益劇竟不起將屬纊婦大慟曰君前去我當繼至夫點頭淚落而終家人以爲一時情至之語不爲意及殯憑棺一慟幾絕忽抱前孤大慟淚沾衣跪送姑懷中姑察其狀慮有變命家人防之時新喪人倦昏寐旋寤婦已投繯死矣市鄰大駭縣令張聞之亦大駭促駕視之命速殯嗣親書額以旌其堂曰烈過鬚眉傳甚長爲節錄如是

按衡州府志載氏年二十餘矢節撫孤成立事

衡山縣志

卷之四十

列女節烈

七十九

舅姑克孝豈別有一人邪何與曠傳迥殊邪傳曰所見異辭所聞異辭所傳聞又異辭故府志之言略據所聞也曠傳之言詳據所見也當從曠傳無疑

周正諭妻趙氏歸周二年生一子甫半歲而天夫因哭子致病氏視湯藥衣不解帶者數月每焚香禱以身代夫歿一慟幾絕越數日縊死此府志所載云爾其姪世金爲作傳較詳今節錄云玉人在室甫十歲聽讀楊椒山傳卽問忠臣家何無節婦

及聞其妻有乞代夫死疏爲首肯者再年及笄有同庚鄰女再醮者詣玉人言別匿不見曰此無義人宜與絕旣于歸諄諄以勤學保身勗其夫子天以年少不患無兒爲夫解勸之就學夫疾藥必親煮衣不解帶者數月比沒一慟而絕良久微甦口中含糊云趙氏爾向固羞人改適者今何不能代夫死邪自是四五日不復進水漿旣葬乃飲食如常檢嫁時服絺分諸妯娒曰吾髮縱縱爾笄而竹帶而麻無須此家人揣其意防之嚴玉人以計脫

衡山縣志

卷之四十

列女節烈

八十

伴者扃戶自經及覺已氣絕周視縊所纒已三斷而三易之矣衣裳皆鍼線密縫殮殯不假他人又聞玉人死後項無傷痕口無涎沫猶之得正而斃者然此殆有鬼神相之邪真異事也

補節烈

楊上璠妻湯氏上璠字爾玉娶湯氏生女二俱幼明崇正間獻賊蹂衡山前後人煙一空爾玉居白市西十餘里一日賊至急逃山中被獲索蓄金告無將加刃湯聞攜二女疾赴語夫曰有金在牀下

及樓上速歸取與吾與二女質焉遂去久不至湯氏度夫已脫乃正色叱卒曰家無蓄欲夫去者夫無子僅此二女夫生吾無慮矣卒殺之二女抱尸哭卒不忍殺後一適陽子尙一適唐秩宗氏死於隱龍山墓在山前爾玉續娶周氏生子二正嵩正巖氏墓前有詩碑女壻唐秩宗所撰事備載楊氏家譜

熊叶夢妻何氏湘潭人順治初明將王朝仙

應作黃朝

宣潰兵四掠氏與夫同被執賊將犯氏氏曰吾夫

衡山縣志

卷之四十

列女節烈

八十一

在側不忍汝從也盍舍之賊信縱之歸氏度夫去已遠乃跳躑號泣奮罵求死賊怒環槊刺之洞腸死同時有富室婦不詳其氏被掠至舟中賊睨其金釧笑曰乞我氏手金釧不語顧視中流深處奮躍入水死

以上二事俱見彭坊瓦卮集

唐元弼妻李氏廸公妻曹氏

國初時餘寇未盡順治五年戊子流賊掠衡李爲叔母曹爲姪婦同出避難適賊遄至家人奔潰賊掠

二氏驅之行皆據地大罵脅之以刃不屈遂同遇害共棺厝本邑宗字印子山後人題其墓曰雙烈頽之曰清風亮節

唐懋承妻李氏生明季年及笄歸唐有婦德

國初流寇未息懋承遭擄氏懼污急投深水不沉越二日復歸賊執以行大詈不屈賊以火爇之亟索金詐指一處令賊掘竟獲先世藏金賊乃釋去氏不勝痛苦服黃毒求死反洩火氣而愈二子長煥次煌皆補弟子員未幾復罹寇難家人星散氏匿

衡山縣志

卷之四十

列女節烈

八十二

叢棘間獲免煥子崇勲登賢書官員外郎有政績見宦業

羅破添妻王氏明末獻賊寇衡獲氏縛於馬背過賀公橋氏給之曰若釋我當偕至家取金帛賊釋其縛卽躍橋下死

羅啟弼妻李氏監生名自翠之長女夫素業儒有學行順治四年流賊掠衡氏挈幼子避山谷間被獲氏給賊遣其子歸路側有塘深且廣乘賊未防奮躍入水賊怒隨而刃之後出屍腦削幾半

增

劉闢門妻曹氏闢門陣亡事蹟已見人物忠義氏在鎮聞變誓不獨生溘然遽逝

周安襄妻趙氏父名爲善湘潭人夫邑庠生乾隆四十三年氏二十四歲夫病輩氏請於夫果不起願相從地下夫卒遂以身殉事聞於縣前令范元颺以香骨盟幽額其墓

彭文亮次媳湯氏父名達先氏歸彭數月而夫病奉湯藥進粥飯寒衣熱扇晝夜弗懈又數月夫歿

衡山縣志

卷之四十

列女節烈

八十三

氏仰天泣血誓以身殉家人勸止服闋撫姪承祀夫靈徹席之日卽飲毒而死

列女 貞孝

明

劉石泉女邑舊志名午貞同母弟鳳山佐令西川定省一委之女女御事皆得其理父母甚倚賴焉及將爲擇配女曰弟志在四方兒復棄父母去死不願又有勸其父贅壻者女叱之曰余豈盜弟之有以自肥邪母歿志益堅父繼娶生二子女已中年或微諷之曰吾幼不作女子狀今能俯首事人乎性勤女紅絲聚銖累遂有所蓄父歿作石塚葬

衡山縣志

卷之四十

列女貞孝

八十四

之又自營兆域於側曰余之於父母不以生死異也旣老出所積建菴守墓且廣建橋梁以利人涉如車路橋黃板橋甘溪之楞伽寺橋大堡之櫛塘橋皆動費百金嘉靖乙丑攸縣劉欽薦改名黃板橋爲貞義譔文記之萬歷壬子太僕寺卿蔡槐庭旌以匾曰天授貞孝卒年九十六秀才劉世午述其祖貢生自顓云
蕭孔坤女邑舊志小字冬貞生而剛烈自幼卽勤操作能爲父母秉家政年及笄有議婚者女曰父

志得子獨有我耳我嫁而父母孤其□□已而□
生子甫三歲母林亡女一慟幾絕告父曰兒不幸
喪母吾弟髮未燥吾必留以撫吾弟人言婚勿許
也遂引刀斷指矢不嫁事父極孝年已二十五六
人無敢復言婚者父先後凡四娶生五子女尤善
事諸繼母撫諸弟如同母飭身端嚴冰霜凜凜畢
生一節年七十卒諸弟以父遺命爲之行服葬之
父塋之旁前明邑令劉明簡聞之嘆曰齊北宮女
子不及也因爲詩以美之曰閨中七十止斯須永

衡山縣志

卷之四十

列女貞孝

八十五

謝鉛華曳敝襦石窳受封都不屑星星猶戀銳司
徒

按冬貞姓名事蹟衡州府志佚之湖南通志所
載與邑舊志詳略雖殊而大致則同但通志不
入前明而入

本朝此爲非是賦詩之劉侯明簡前明人也

康冕德女邑舊志名淑英年十五許字彭姓未嫁
彭隨父母入蜀不歸父憐女欲他配矢不從蓬髮
守貞四十餘年有曹生學緯賦詩四章以美之

按衡州府志亦載此條與邑舊志同但府志一條而兩見一見前明一見

本朝雖有數字不同考其姓名年紀事實兩人只如一人兩事究是一事造物雖巧從未有遠隔百年而其人其事彼此合符毫無少異若此其甚者府志複載不必泥今從邑舊志止作一條但入前明後不重入

本朝

譚女守貞衡州府志父爾超以女許王姓未及于

衡山縣志

卷之四十

列女貞孝

八十六

歸王卽天歿時貞年十六歲父欲另爲擇配貞曰女子無再字之義守志終老是所願也以紡績度日年至五十冰操凜凜

按邑舊志亦載此條稍略不如府志之詳自當從詳但府志後又一條云王某名闕聘妻譚氏幼字王未嫁王天譚年十六紡織度日誓不再字以貞終其身此譚氏應卽爾超女名守貞者查邑舊志有譚守貞無譚氏其所載守貞事與府志所載譚氏事同疑府志後條當屬重出故刪

之

譚東侯女邑舊志名閨貞府志作閨貞四歲母故許字

戴姓禮未成而戴沒時年十四矢不再字事父與

祖母及繼母均盡孝愛諸弟如同母紡織自贍年

屆五十始終如一

趙嗣渭姑母衡州府志守貞不字至老不出閨闈

按女壽至七十餘邑侯葛亮臣贈以節勵星霜

額嘗建石礮於江字石路冲名貞女礮嘉慶二

十五年女之姪孫履規峙朝盛植翼臨連雲等

衡山縣志

卷之四十 列女貞孝 八十七

又重修之存遺蹟也

補

周廷璽女廷璽字匡時邑廩生明嘉靖時住城南

甘棠橋女許江右舊戚李姓年二十未于歸未幾

聞壻訃音時匡時已謝世遺孤崇憲字雙池纔數

歲女遂守貞不字母劉年五旬女事之以孝聞撫

弱弟盡心雙池婚娶延宗學成遊泮咸賴姊氏之

力壽七十二而終當生存時當事已賜額旌獎歿

後周氏子孫恒祠祀之

增

汪六姑職員文瑛孫女父名運是母劉氏生姑十餘歲始舉兩男紹熊紹烈母遂卧疾難起姑幼慧善事親承顏色養左右不違年及笄父母將爲許字姑告母曰子幼女嫁牀榻誰侍藥餌誰奉厥後雖有高門議婚姑皆阻止堅志承養督兩弟勤學並入成均既而父母俱獲壽終姑雖年踰五旬猶日勤紡績足不踰閫親屬問候寒暄數語輒入尋常罕得一見嘉慶七年壽六十二歲無疾而終母

衡山縣志

卷之四十

列女貞孝

八十八

舅衡陽舉人劉瀛祖爲作傳贊入家乘

羅轉姑幼許攸邑陳姓禮未成而夫歿氏年十六歲守貞不字奉父母終身年六十八身故
劉淑秀年十五喪母哀毀形瘠時父亦病女焚香願以身代病竟痊因弟幼無人侍親遂矢志不嫁奉父以終

曹廷賞女幼貞靜孝謹父母珍之不輕以許人北長以事親爲樂遂矢不字父歿弟幼女佐母理家務備極辛勤及諸弟已授室中饋肩鑰猶躬自檢

點晏眠早起未嘗言勞生平足蹟不踰閩語聲不出戶年六十族中爲建棹楔族弟舉人家玉額以太璞二字至七旬邑紳將爲請

旌女以疾終

顏繼武女靜貞庠生正龍之妹幼聰慧父愛之甚嘗曰惜爾非男不得久居膝下及笄將爲擇壻辭曰兒不忍去庭帷且侍親最樂何必事人遂不字女性端壹孝父母敬其兄而和於嫂父逝兄亡理家計有條撫諸卑幼慈嚴並至合室倚賴素喜施

衡山縣志

卷之四十

列女貞孝

八十九

嘗以紡績所餘捐置義渡修橋路及寺觀現年八十康健如常

列女 貞烈

明

陳氏女衡州府志小字竈貞父斗宇無嗣僅生女一人里黨聘之女以母死父老無人侍左右遂自矢終身不字崇正末流賊橫東南女遭寇擄毀容大罵奪刀欲刺之賊怒碎女尸於港子山邑舊志尸碎處血濺草枯何其烈邪又聞女死百有餘年每當陰風慘烈烏啼月落之辰經其地者猶聞哀噉之聲父老曰此卽陳女之烈魄也悲夫

衡山縣志

卷之四十

列女貞烈

九十

補 貞烈

皇清

黃氏二女長年十九次十六俱許字未嫁父名通
寰值吳逆縱兵蹂衡家被掠一空通寰身殞僕黑
子捍主賊削其臚遂擄二女迫之行及金龍潭二
女俱投潭死翼日尸浮水面家人見其容顏如生
皆詫異乃合厝通寰墓側今百餘年矣潭水清深
雖旱不竭

林自蔚女閨貞幼許同邑儒童劉方中將嫁而方

中歿女聞號哭乞奔喪父母弗許遂屏簪飾爲劉服素三載其父以事入城有富室羅姓倩媒求婚父許之卽訂庚歸閨貞知而大慟輒服毒舉家驚救允追庚帖乃從解嗣羅姓仍執庚訟官女惟涕泣請死前縣謝仲玩憐其烈讞斷聽守予以礪志靡他匾額又有年謝陞永州知府護衡永郴桂道聞閨貞年已五十父母淪喪依厥弟以居女紅自給白首完貞復爲之序

按閨貞身未適劉而爲劉服素矢不再字可謂

衡山縣志

卷之四十

列女貞烈

九十一

貞矣及聞父又許羅服毒求死不亦烈乎設當公堂泣請官不聽守勢必至捐軀殞命以自遂其本志觀後年近五十依弟以居女紅自給非剛烈豈能若是故不入貞孝而入貞烈

唐君益女純碧許字湘潭蕭姓將嫁壻忽遭危疾死女聞掩戶自經嫂覺救免遂潛服鼠莽越日毒發從容與父母訣遺蜜餞獻阿翁及祖姑沐浴更衣而逝斂服皆預辦在笥蕭姓聞之衣冠百餘人迎其柩與壻合厝一時文士挽之以詩者甚衆女

節烈曹氏唐公廸妻之元孫女節孝李氏唐清妻之曾孫女也君益二孫文億文昶

衡山縣志

卷之四十 列女貞烈 九十二

附錄 孝婦賢母才女

熊瑞生妻向氏年及笄歸熊貧甚勤女工以資奉養夫卒氏年三十六事耄耄姑視問未嘗少懈姑卒哀禮兼盡鄉黨咸稱其孝年八十有四猶理家務內外肅然

見衡州府志

蕭羽伯妻秦氏庠生蕭懋烈之祖母也相夫勤家事舅姑能盡孝敬姑楊老病扶持捧負惟氏是賴牀簣污穢洗滌不假手他人偶進羹仆地夫怒變色姑曰吾非若食不下咽何怒爲侍姑衣不解帶

衡山縣志

卷之四十 孝婦賢母才女九十三

者二十餘年姑將歿感泣曰願爾後亦得孝婦報氏又念外氏父母無依迎養終老殯葬己山並囑子若孫春秋祭掃無缺年八十一卒

見衡州府志

趙盛濬妻文氏事翁姑不違其意姑病侍湯藥不

離床側姑歿隨夫廬於墓鄰有欲嫁媳養翁姑者

氏給銀俾得保全

見衡州府志

劉自順妻張氏初歸自順無子姑常以嗣息爲念張力勸自順置妾慈惠備至後張竟舉子事姑孝謹至老不衰夫婦俱以孝旌

見衡州府志湖南通志列女及邑舊志孝行

賓淑南妻伍氏事翁姑克勤奉養姑病三載衣不解帶歷寒暑晝夜如一日里人咸稱其孝見衡州志
歐陽開煦妻易氏已據衡州府志入節孝又邑舊志云幼嫻女訓通經術櫛縱衿纓必遵內則于歸後鴻案相莊雞鳴戒旦有古賢夫婦之風泊乎別鶴更切丸熊畫荻傳書洵稱歐母矣至於隔絳受業族子弟多受其陶成者此殆曹大家者流邪

以上俱

本朝人

衡山縣志

卷之四十

孝婦賢母才女九十四

又

宋 趙葵姬

姓名闕

楚舊志淳祐間葵官同知樞密

院朝罷歸第而諸姬不見葵往訪之乃羣聚摘青梅有一姬善詩葵責令賦詩云柝聲默報早朝回滿院春風繡戶開怪得無人理絲竹綠陰深處摘青

梅

見湖南通志拾遺

增 孝婦賢母才女

聶肇奎

累贈大夫

妻康氏

累封恭人

進士官昭文令康

克庵曾詔之女進士官鎮安令今祀鄉賢聶環溪

燾之第三媳也性溫惠勤謹幼嫻女誡于歸後事翁姑最恭順姑袁宜人年高善病日奉甘旨得其懽心病發侍藥餌徹夜不寐翁姑棄世喪祭盡誠摒擋家計晨夕黽勉七子皆自乳夫親教值用乏典釵環以濟夫舉優留京延師課子益篤寄書勉夫毋歸既而夫膺鄉薦長子三子俱館選次子以拔貢官禮部科名日盛處之晏如隨夫居益陽官舍猶主中饋不憚勞晚年孀居四子五子並六七次第顯達值七旬制軍阮過衡贈聯云南嶽鍾祥

衡山縣志

卷之四十

孝婦賢母才女九十五

南陔衍慶七旬介壽七子成名及三子視學西蜀長子以曾任安徽學政出守嚴州迎養均不赴頻寄勉書語若箴銘卽命懸諸堂壁年近八十猶手製丸散以濟病患長二三三子疊邀

賜錦寄皆珍藏尙服粗布淡素自適云

周世玉妻楊氏世玉初赴禮闈試氏攜子安邵居或奪其貲迺紡績自給備嘗艱苦隨夫任紡績如寒素終身未嘗言及奪貲事後安邵筮仕迎養署中尤好行善事而厚待族人爲夫兄世金叔正楠

各置祭田卽以分濟其子孫別置田一區爲宗祠
春祭義學膏火費又置田一區助每年輪辦冬祭
及族中諸生貧乏者又爲本支置義助田並節婦
小義學名田嘗語安邵曰此雖小善卽以重一本
之愛也年躋大耋命安邵與姪安楞各捐貲補修
白果市大橋以爲先人所創建故也年九十卒以
安邵官封太宜人
聶肇基廩學生繼妻曹氏壽耆曹徵岐之女其祖
母李以節孝蒙

衡山縣志

卷之四十

孝婦賢母才女九十六

旌表建坊氏幼嫻內則曉大義年二十四于歸翁

環溪

生先姑人

袁宜

皆已棄養遇忌辰冥誕氏必虔治酒肴

致奠夫鳩工徧葺先塋酒食犒勞均氏贊成夫病
三載晝夜侍湯藥不懈夫故一子甫七歲氏經營
葬祭皆如禮以省儉持家償夫遺債數百金延師
課子厚奉脩貲族黨窮困咸加賙卹待夫之從子
如子成名者典釵以贈公車往還均有飲助已已

萬壽覃恩

貶封宜人乃三姪銑敏所請以爲厚德報也時次姪鏡

敏在京亦以節孝報部請

旌生平樸素自安現年近七十猶持家政井井有條
子鎧敏早列邑庠孫曾疊起發榮未艾

楊巍代繼妻劉氏巍代太學生先娶趙氏生一子
隆翰甫六歲二女均幼趙歿復娶劉氏生庠生隆
郝兄弟四氏待前妻子女與所生子無異隆翰季
子庠生聯青生數月而母歿體質孱弱乳哺難合
劉親哺之時年五過旬乳汁復生闔家驚異既成童
遣就外傅又爲經營膏火束脩無不給聯青名成

衡山縣志

卷之四十

孝婦賢母才女九十七

而劉先逝矣然戚里猶嘖嘖賢之

唐明鐸妻胡氏早歲孀居課長子淑成諸生次子觀

城典史溥生四十餘日而孤氏苦節育成之卒以
溥官受

贈典見封廕嘗迎養父母克盡愛敬持家儉約好周人
急凡貧苦婦有求必應族谷八生女欲溺之姪申
一以告氏卽繼爲己女養成嫁石門蕭姓乙酉大
荒民食土土色白名神仙粉食者無不病氏命粉
一挑易以乾穀三大斗又數日人競持買粉錢向

氏糴穀時穀值甚昂粉一挑止值錢一百五十氏收其錢仍與穀三大斗一月間全活遠近貧民無算

劉文熙母廖氏幼嫻女訓既適劉克勤婦職事姑克敬紡績至老不倦生平多行善事修道路濟貧困矜恤老弱孤獨年踰八十孫曾繞膝文熙例授職員

李昭杰妻胡氏夫性豪喜賓客氏治饌每至更闌不倦夫嘗以千金貸友不能償有券在氏勸焚之

衡山縣志

卷之四十

孝婦賢母才女九十八

其他親鄰逋負勸夫勿索者多潭邑九命橋夫所獨修橋成氏適生子遂以名之夫病爲施綿襖百領祈福夫歿氏年三十二事垂老孀姑撫弱釋兒女以貞烈禦侮以勤儉保家後三子成立孫曾數十五代一堂年八十卒

李峙衡妻胡氏峙衡素好施而家僅中貲氏以勤儉所餘遇貧者至卽周之老病則遣人就問所需月一資給里有寡婦窶失盜氏聞卽爲飲助麻枲之屬家失二羊牧童蹟獲其頭於某家氏戒勿洩

且曰某老而跛入官則凍餒死遂埋其頭免使口
衡知佃某負租畏追謀潛竄入川氏陰裹金貽其
母使出之以償逋租田仍耕作如故某受金亟竄
租仍未償人謂氏夫宜鳴官究追氏力勸止及卒
四隣哭之聲震谷

單士儀妻董氏年未笄歸單姑病氏侍之搥背接
痰不離左右凡三載姑歿相夫治喪葬皆盡禮夫
家貧好學止有田畝半氏命母家人代耕身自
紡織縫紉以供衣食膏火治家儉約凡夫所獲館

衡山縣志

卷之四十

孝婦賢母才女九十九

穀悉爲儲蓄以待不時之需從夫涖任桂東諸生
晉謁講論詩文間從屏後竊聽識其人品邪正才
學優絀累黍不爽嘉慶二十一年壽九十二無疾
而終 氏父學熇邑庠生

譚正夫妻張氏衡陽監生張嘉惠之女少習女史
知大義歸譚生三子俱殤勸夫娶妾向氏生二子
蘭淦蘭沼正夫旣入太學愈苦讀致疾卒時氏年
三十七與向氏礪節共守孝事翁姑喪葬盡禮義
方訓子尊禮塾師倍他人二子皆能文入太學氏

性好施年五十捐田入祠奉祭祀六十減佃民租穀每十石減一舊欠槩免其他矜孤恤寡修理橋梁道路不勝計嘉慶十一年邑修考棚成獨捐宗字田租三十石爲歲修費邑宰丁令具呈存案嘉慶十三年身故四方弔者皆流涕其存也同邑曠御史壽以詩清泉蔣孝廉壽以文旣卒儒學龔爲作傳皆紀實也詳載譚氏家譜

單臚禮妻蕭氏自歸單後舅卽世夫繼亡氏奉姑至孝訓子有方子名彰政入太學氏性儉而好施

衡山縣志

卷之四十

孝婦賢母才女一百

橋梁道路捐修無吝又設立義塾課族子弟夫瑩及舅姑瑩均爲建墓置祀田嘉慶戊寅壽九十一歲乃終餘詳祥異耆壽

尹一綱妻文氏監生士通儒童士璵之母持家屏黜華靡紡績餘貲賙恤族鄰貧乏修橋修路多行善果年踰九十乃終

羅譚氏邑舉人原任山東鳳臺縣知縣譚昌明次女號壽萱適羅氏性敏知書賦南灣八景詩士林傳誦羅倣祖爲採入八景集中

趙逢樾妻羅氏年笄歸趙順事翁姑歿後凡食新物薄必薦逢樾入國學喜施與羅亟贊成年三十餘孀居躬理家務延師訓課酒食手調子孫交遊得人則喜否則斥絕所親雖素貴亦敬憚之性勤紡績老而不輟子嗣煩雋邑庠嗣焯例從九孫履堂履和俱遊庠年八十一外孫鄧賢澍在京述其賢士大夫多以詩贈寶臣彭浚序春石劉教五跋賓立達妻劉氏父人在邑庠生氏嘗歸省適廣東橋張姓之媳胡氏娶未久夫遠貿數年不歸翁姑

衡山縣志

卷之四十

孝婦賢母才女百零一

速嫁不從迫以饑寒加以箠楚氏憫其苦慨然捐奩資爲衣食計厥後調琴瑟白頭相守廩生羅繡受業氏夫之門後以家貧欲廢讀氏勸夫延館童課周其困乏勸誡不啻己子繡後與氏仲子同遊泮旋食餼氏子六興本昌本俱庠生員本鉅本月本與本俱業儒

羅喬年妻汪氏名漱玉字碧泉嘗著繡餘詩草中多可傳之作如送父北上詩云杏林一帶紅如錦知是春風得意時又云一紙平安勤遠寄女兒都

解憶長安楚楚有致餘見藝文

賓鉅妻王氏字蘭英太學生名登榮女邑廩生名義全姊幼聰穎解畫竹賦詩年二十歸鉅柳外星殘篝燈伴讀恒相唱酬有隨夫登祝融詩二首又謁黃庭觀七律一首並見藝文

補

彭仕周妻羅其藩女

誥封孺人以子陸人見封蔭

幼嫻女誡

于歸後事姑最孝姑病左右侍養能人所難夫好讀百取惟婦是責供億不乏素喜施勤儉所積以

衡山縣志

卷之四十

孝婦賢母才女百零二

賙貧困年五旬隨夫官寧邑仍主中饋如平日夫素介解組歸籍行李蕭然羅誠其子曰外物何常汝曹宜以讀書守先業勿懈也夫卒羅教子治喪一遵家禮性嚴毅孫曾盈庭衣服食息起居悉蹈矩矱有違輒加呵叱逮病呼其子曰吾後裔皆有器宇汝等當善教之言畢而終